يسم الله الرحـ

سيناريو فيلم و المحكم و المحكم

22001



## تعرض التيترات مع المشاهد القادمة

نهار / داخلي

خر

## مكان غير معلوم

المكان غير معلوم، لا ندري معالمه، واضبح أن به عدد كبير من الأشخاص الغير واضحين المعالم، يتكلمون في همس إلى أن يدخل أحدهم.

صوت ما النهاردة معانا حد أول مرة بييجي.

تبدأ الأصوات بالخفوت، يصمت البعض، يجلس أحدهم على كرسي وسطهم.

الصوت عرفينا بنفسك.

الكل يصمت ليسمعها.

نهار / خارجي

أمام مستشفي

-

سيدة ما تمشي متجهة إلى طابور طويل.

طابور طويل من البشر منتظر دوره لدخول المستشفى، من الواضح أن هؤلاء البشر مرضى مستواهم الإجتماعي بسيط جدا، الطابور يمشي في بطئ، و تمشي معه أسماء (سيدة في أواخر الثلاثينات محجبة، مستواها بسيط، جذابة، علامات قهر الزمن على وجهها، مع أتب واضح في مشيتها)

رجل من العاملين في المستشفى يقف أمام الباب و يوجه الناس.

الرجل مش هدخل حد لحد ما تقفولي طابور.

تعدل أسماء من وقفتها.

أسماء (Off screen) أنا إسمى أسماء.

نهار / داخلي



تابع م

أسماء تتكلم (المشهد كله مطمس، وجوه الناس المستمعة غير واضحة، بما فيهم وجه أسماء، كل شيء خارج نطاق التركيز).

> أسماء (Off screen) عندي أربعين سنة، عايشة مع والدي و بنتي.

نهار / داخلي

تابع م

داخل المستشفى

أسماء تمشي و هي تحاول أن تتصل بهاتفها المحمول إلى أن يأتي شخص واضح أنه ممرض، تراه تغلق السكة، يجعلها تمشي خلفه و يأخذها في مكان غريب، و يختبئ هو و هي بعيدا عن الأنظار، و نراها تخرج رزمة مال من جوف ملابسها و تعطيه له فيخبئه هو الأخر، و يجعلها تمشي خلفه.

نهار / داخلی

تابع م

مكان غير معلوم

أسماء تتكلم

أسماء (Off screen) بشتغل شغلانة كويسة، و نحمد ربنا، مستورة.

نهار / داخلي

تابع م

i branal

أسماء تمشى مع الرجل في طاعة.

الرجل لو حد سألك أي حاجة ماتروديش.

يقف و ينظر لها بتحذير.

الرجل فاهمة؟ كإنك خرسا.

تومىء له اسماء بر اسها.

نهار / داخلي

تابع م

مكان غير معلو

اسماء تتكلم



## أسماء (Off screen) أنا و أبويا من بنها، بس سيبناها و جينا مصر من زمان، مصر أحلى.

تحاول أسماء الإبتسام.

نهار / داخلي

تابع م

## غرفة مستشفى

على سرير من السرائر العديدة الملتصقة ببعضها البعض، و في العنبر الذي يحوي آلاف البشر، يسأل الدكتور الشاب أسماء.

> الدكتور عندك حاجة؟ بتشتكي من حاجة؟

> > لا ترد أسماء و تنظر للرجل الممرض.

الممرض إتفضل يا دكتور.

يعطي الممرض الدكتور بعض الأوراق.

الدكتور فيرس سي؟ مش مشكلة، عندك حاجة ثانية؟

لا ترد أسماء.

الدكتور ماتخفيش كده، ديه زي شكة الدبوس.

يتركها في خوفها.

نهار / داخلي

.

ممرات المستشفى

الممرضين يجرون الناقلة التي عليها أسماء تقرأ القرآن.

الممرضة ماتخافيش يا ست الكل، ده الدكتور بيعمل العملية ديه بيجي عشر مرات في اليوم.

ينظر الممرض من بعيد و يتركهم و يذهب لعمله.



مكان غير معلوم

أسماء تتكلم

أسماء (Off screen) بنتى ماتعرفش، زمان حاولت أقولها بس ماقدرتش، (لحظة صمت) بس أنا كويسة الحمد شه، مافيش مشاكل.

ينظر لها الجميع

صوت نفسك في إيه يا أسماء؟

تنظر لها كثيرا، لعدة ثواني، بدون رد.

نهار / داخلی غرفة العمليات

أسماء مرتعبة، تقرأ القرآن بسرعة شديدة، الأطباء و الممرضين يتحضرون للعملية بطريقة طبيعية و هم يدر دشون مع بعضهم البعض.

دكتور التخدير يحضر لحقنته، أسماء عينيها تتحرك مع هذه الحقنة كإنها تنظر لشبح.

الدكتور يقترب بحقنته، يتحضر لغرسها في بطن أسماء، يقترب بها من عرقها.

أسماء استنى يا دكتور.

الدكتور ماتخافیش یا ماما ده...

تباغته أسماء

أسماء أنا عندي الإيدز.

صمت على وجه كل الموجودين في الغرفة.

أسماء تغلق عيناها.

Cut to black



نهار / داخلي

\_

## غرفة أسماء

أسماء جالسة على طرف سريرها، تفكر ، بدون أي حركة ، كإنها تحارب شيء ما بداخلها، صوت الشارع يأتي من الشباك، سيارة ، شجار ، أطفال يصيحون، راديو قديم بصوت الإذاعة ، من الواضح أن أسماء لا تسمع أي من هذا، و هي في عالم داخلها فقط، يرن المنبه، الذي كان من المفترض أن يوقذها، و لكن من الواضح أنها تيقذت من فترة.

أسماء في يدها صورة لها مع مسعد.

أسماء تجز على أسنانها و يظهر هذا على فكها.

نهار / داخلي

حمام أسماء

حمام اسماء

أسماء تقف أمام المرآة، تغرس بسرعة و حزم حقنة في جسدها، و تنظر لنفسها في المرآة، تغسل وجهها، تضع الحقنة في كيس ورقي و تضع كل أشيائها في درج جانب المرآة و تغلق عليه بالمفتاح.

القارورة التي بها المحلول الذي حقنت نفسها به تقع و تنكسر، و يتجه ما بها للبلاعة، تحاول أسماء اللحاق بها، فتنجرح يدها، تحاول لحاق الموقف بسرعة، تربط يدها، تغسل الدم في عصبية، تضع بلاستر حول أصبعها.

أحدهم يخبط على الباب.

الأب (حسني) قدامك كثير؟

أسماء تضع صورتها مع مسعد سريعا داخل الدرج.

تربدي قفازات و هي تخرج من الحمام.

نهار / داخلي

- / 1 2

تدخل أسماء على حبيبة (فتاة في السادسة عشر) تضع جانبها كوب شاي بلبن، و تقبلها و هي نائمة، فتعدل البنت

غرفة حبيبة

www.zazedi8.com

4

من نومتها.

أسماء تخرج لتجد التلفاز مفتوح على محسن السيسي (مذيع، لبق، و لكن صوته عالي و حركاته مبالغ فيها بعض الوقت، من الواضح أنه على سجيته، و لكن نواياه دانما غير مطمئنة، سمين و لكنه على قدر كبير من الأناقة و الوجاهة) يكلم مسؤول ما.

### أسماء الحمام خلص.

تكلم الأب (غير مهندم أو حليق، في أو اخر الستينيات، أسنانه خربانة) النائم على نفسه، و تحته بعض زجاجات البيرة الخالية.

في المطبخ أسماء تطبخ، بيض أومليت، حبيبة تمر خارج المطبخ، تجلس جانب جدها فيستيقظ، و يكح، و حبيبة تشرب الشاي بلبن، تخرج أسماء و هي ممسكه بطبق الأومليت و العيش، و في يدها الأخرى بعض الملح.

محسن السيسي (في التلفاز) يعنى المشكلة فين حضر تك؟ مش في التطعيمات البايظة ديه؟

> المسؤول لا في إن التلاميذ نفسهم جسمهم ماتقبلش لإن...

### محسن

فهمت يعني المشكلة مشكلة التلامذة، هما الوحشين، و التطعيمات اللي راحت المدارس ديه هي اللي عال و السطة و ممكن نصدر ها الأوروبا، التلاميذ بقي نعدمهم و نتخلص منهم عشان مايبوظوش بقيت التطعميات.

يركز معه الأب.

### 112

جاتك نيلة في ثقل دمك، الواحد من دول عامل نفسه قلبه ع الناس و هو لو جاله برد بيسافر يتعالج بره، منكم شه بتضحكوا على الغلابة.

أسماء تركز مع محسن السيسي و هي تضع الملح.

### محسن السيسي

إحنا بنطلب من أي حد شاف مشكلة في أي تطعيمات، مستشفيات حكومي أو خاصة، يكلمنا، إفضحوهم، خدوا حقكم، لو مش هتاخدوه، قلولنا و ناخدلهلكم إحنا، أنا ورا الصحة في البلدي، ماوار ابيش حاجة غير ها.

تبدأ حبيبة بالأكل

حبيبة ايه كل الملح ده، ديه مملحة قوي.

تقف و تدخل لغرفتها.

أسماء با حبيبة تعالى، هعملك واحدة ثانية.



مش عايزة.

تختفي حبيبة، و تركز أسماء مرة أخرى مع التلفاز، في الوقت الذي بدأ الأب فيه بالأكل، و يعطى لقمة لأسماء.

الأب خدي.

تأخذها أسماء و هي مازالت تركز مع محسن السيسي.

محسن السيسي كلمونا، نمر تنا أهه، لو مالقتش من بكرة مليون مكالمة، هعرف إن الشعب ده فعلا يستحق اللي بيحصله.. و أخيرا.. أشوفكم بكرة.. في مصر و هي قاعدة تولع كده على الهادي.. في (صفيح ساخن)

تركز أسماء.

نهار / داخلی

محسن يشاهد حلقة أمس في التلفاز في مكتبه الفخم في جريدة ما، تنتهي الحلقة و يقف و يرتدي جاكيتة بذلته الأنيقة، و جانبه أيتن المساعدة الجميلة و النشطة.

ده منظر واحد تجيبيه أم البرنامج؟ ما كنتى تجيبيلي بهلوان من السيرك أحسن.

الراجل ده بسبب إهماله في مليون واحد عاني و مليون غير هم ماتوا

يغادر المكتب و يمشى في الطرقات، و أيتن تتبعه.

بطلى لماضة أنا مش ناقصك، جايبالي واحد عامل على نفسه كل ما أهب فيه يسكت؟

حاضر المرة الجاية هجيبلك كلب وولف.

ينظر لها فترتعب منه، و يطلب الأسانسير.

محضرة إيه للنهاردة و بكره؟

أيتن النهاردة جايبين بتوع النوايا الحسنة بتوع الأمم المتحدة و بكر مايد

محسن

أستغفر الله عليكي و على اللي شغلك. هي ناقصة كآبة؟ بس لو هتجيبيلي حد مش عايزة يقولك ضلمني و غير صوتي و الجو ده، لو حد عايز يطلع يبين وشه. أهه يبقى أي سبق بدل الكآبة ديه.

يأتى الأسانسير و يركبه و قبل أن يغلق الباب تكمل أيتن.

أيتن إستحالة أصلهم...

محسن (مقاطعا) ماتبر طمیش، إقنعیهم، و لو ما أقنعتیهمش إنت مرفودة یا أیتن، و بالثلاثة..

> أيتن حضرتك رفدتني الأسبوع اللي فات.

> > يمتعض و يغلق باب الأسانسير.

نهار / داخلي

بيت أسماء، داخل / خارج الشقة

تهم أسماء بالخروج هي و حبيبة و لكنها تسمع صوت على السلم فتنتظر لبر هة إلى أن يختفي الصوت ثم تخرج، و هي تنزل على السلالم ينظر لها من أعلى رجل بجلباب بني و شنب و في الخمسينات، و ينادي لها.

> رجب یا ست اسما.

> > تقف أسماء بالرغم عنها.

رجب معلش عايزك في كلمة.

> أسماء (لحبيبة) إستني.

> > تتركها و تذهب للرجل على إنفراد.

أسماء صباح الخير يا عم رجب، الإيجار النهاردة بليل بإذن الله.

رجب أستغفر الله، هو أنا عمري جبتلك سيرته؟ ياريت كلهم زيك، ده في ناس و لاد... ياللا.. القصد.

تنظر له اسماء بصمت.



رجب أنا بس كنت عايز أقولك خدي بالك من حبيبة شوية، هي زي بنتي و أنا زي أبوها.

> أسماء هي عملت حاجة؟

رجب بالاش تنزل من البيت و ترجع متأخر كده، مايصحش برده.

> أسماء ديه حبيبة مابتنزلش بعد العشا.

رجب ما عشان كده بقولك خدي بالك منها شوية.

تنظر لها أسماء من أعلى.

حبيبة ياللا.. هناخر..

م نهار / خارجي

في حارة أسماء، تخرج أسماء من بنايتها و هي ممسكة بيد بنتها، التتي تتلكاً بمشيتها، الحارة كلها مركزة معاهم بشكل مبالغ فيه، و شاب يمر بعجلة، يهوش حبيبة ليغازلها فتنظر له بمقت، و لكن أسماء تشدها من يدها ليكملوا سير هم، أسماء تتفادي كل أنواع الإتصال مع هؤلاء الناس، لا تنظر لهم حتى.

> الشاب (قائد العجلة) ماتجيب بوسة يا عم محمد.

> > عم محمد هذا هو المكوجي الذي ينظر للموقف.

عم محمد إسكت ياد و إتلم.

يضحك الشاب، و تسير أسماء أسرع.

نهار / داخلي

4

مكان غير ملعوم

كمثل المشهد الأول، المكان ضبابي و معالمه غير واضحة (فلاش باك)



أسماء تتكلم ببعض الإحراج.

أسماء

أصعب حاجة مشوار الصبح... مش عشان المواصلات و الزحمة، بس عشان أكثر وقت بحس الناس بصالي فيه.. السر أصعب حاجة.

الكل متأثر بكلامها

تهار / داخلي

محطة الآتويس

تسير أسماء مع حبيبة في محطة مقتربان من محطة الأتوبيس، الأتوبيس يكاد يغادر، تحاول أسماء أن تلحق به و لكنه يتحرك قبل أن يوصلوله.

> حبيبة خلاص إمشى إنت أنا هاخد الجاي.

اسماء لا مش مشكلة هاجي معاكي.

حبيبة (بتمتمة) طب كويس لحسن العو يخطفي.

لا تعير لها أسماء الإهتمام.

يقفون منتظرين الأتوبيس التالي، و تلمح أسماء من بعيد سيدة، في عمر ها أو أصغر بعض السنوات، عندما تلمحها تلف رأسها بسرعة كأنها لا تريد أن تراها السيدة، و لكن السيدة تقترب، تشبه على أسماء، مع وصول الأتوبيس التالي.

> السيدة اسماء؟

> > تتجاهلها أسماء و تدخل الأتوبيس.

السيدة اسماء؟

تلاحظها حبيبة فتحاول الوقوف و لكن أسماء تشدها بسرعة و تدخل الأتوبيس و يتحرك الأتوبيس قبل أن تصل السيدة لهم.



الأتوبيس

تقف أسماء مع حبيبة، يقف أحدهم، فتقول أسماء لحبيبة أن تجلس، فتجلس فعلا حبيبة.

حبيبة مين الست ديه؟

> اسماء ست مين؟

حبيبة اللي كانت بتندهلنا؟

> أسماء ماشفتش ستات.

تنظر لها حبيبة بتعجب، إلى أن يرن هاتفها المحمول برنة أغنية لتامر حسني فتغلق الهاتف في وجه المتصل و تبدأ في التركيز مع الهاتف، بينما تنهج أسماء من فرط التوتر.

نهار / خارجي

أمام المدر س

تقترب أسماء و حبيبة من المدرسة.

حبيبة خلاص مش لازم توصليني لحد الفصل.

> اسماء ماترجعيش البيت وخري.

حبيبة إيه وخري ديه؟ إسمها متأخر.

تغادر حبيبة و تقف أسماء و هي تراقبها من مكانها، تقترب حبيبة من أصدقائها تسلم عليهم ينظرون لأمها و يضحكون، فتشاور لها حبيبة أن تتركها، فتغادر أسماء على مضيض.

تنتظر حبيبة أن تغادر والدتها تماما، فتنظر لشاب على فسبة، فيأتي لها، فتسلم على البنات و تركب معه و هم يداعبونها.

> البنت (١) او عي تروحي وخري يا بت.

> > يطير الشاب بالفسبة التي عليها حبيبة.



، نهار /خارجي

# أمام البناية التي بها جمعية

تدخل أسماء البناية و تطلب الأسانسير، تأتي سيدة كبيرة مع إبنها الصغير، تدخل أسماء الأسانسير مع السيدة و إبنها، تطلب أسماء الدور الرابع، تنظر لها السيدة و تخرج عندما تراها تطلب الدور الرابع، فيصعد الأسانسير، و لكن أسماء تسمع كلام السيدة تحت.

> السيدة يا عادل... مش قلتلك بتوع الرابع يطلعوا على السلم.

> > لا تهتم أسماء

نهار / داخلی

الجمعية

الكل يجلس في دائرة يتكلم، كل في دوره، يتكلم عن مشاكلة و ماإلى ذلك، و يرأسهم (هادي) الدكتور المسؤول عنهم، شكله وسيم، له سكموكة صغيرة، و نظارة ذهبية، و شكله مأتق، نقطع بين كلام المرضىي.

هادي عصبام الدوا تمام؟

عصام (رفيع شاب صغير) كويس يا دكتور، أنا بقالي أسبو عين بخش الحمام لوحدي و الحمد لله أنا رجعت الشغل و نزلت الموقع ثاني.

> هادي يا سلام يا سلام. إيه الحلاوة ديه؟

> > يصقف له هادي و يصقف له البعض معه.

هادي و ايه أخبار والدك؟

لا يرد عصام. الكل متأثر، خصوصا أسماء التي تنظر له في تأثر.

هادي مش مشكلة. الموضوع هياخد وقت.

عصبام و ماهما أحلفله هو مش مصدق إن المرض جالي ب...



هادي

عصام لو سمحت إحنا هنا مش بنتكلم في موضوع السبب ده خالص مهما جالك المرض إزاي ده مش موضوعنا لو برأت نفسك ده معناه إنك شايفه جريمة و زمايلك اللي حوليك كمان مجرمين.

> عصنام أنا مش قصدي و الله..

شفيق (شخص في أو اخر الأربعينات بذقن خفيفة و شكله ميسور الحال و على درجة من الأناقة) من الواضح أنه مركزا جدا مع أسماء، و هي كلما تثلاقي أعينهم تنظر بعيدا.

هادي

مش مشكلة. المهم إنك رجعت زي البمب و نزلت الموقع. باللا. في شوية أكل بسيط و مشاريب. مش عايزين نرمي الأكل ده، عايزكوا تخلصوا عليه.

يبتسمون له جميعا، ينظر السماء و لكنها تنظر بعيدا.

قطع لهم جميعا يتسامرون بعد إنتهائهم، يقترب هادي من أسماء.

هادي أسماء.. عايزك لحظة.

تنظر له أسماء.

نهار / داخلی

مكتب في الجمعية

يدخل هادي مع أسماء ليجدون ولد و بنت في الثلاثينيات يجلسون، و يسلمون على أسماء فتمد يدها و تسلم عليهم، يجلسون جميعا.

> هادي أهه. هي ديه أسماء.

أيتن أسماء، أنا أيتن و ده عبد الوهاب من برنامج (صفيح ساخن).

تنظر أسماء لهادي.

أيتن دكتور هادي حكلنا عليكي كثير، و إحنا كنا حابين إنك تطلعي معانا في البرنامج.

تنظر أسماء لهادي

هادي

أنا حكتلهم يا أسماء على اللي حصلك في العملية، و هم و عدوني إن البرنامج هيجيبك حقك و هيفضل معاكي لحد ما يجيبولك الدكتور اللي هيوافق يعملك العملية.

## اسماء بس أنا مش عارفة لو هينفع أطلع معاكم.

أيتن

مدام أسماء، إحنا تقريبا كل الحالات اللي إهتمينا بيها وصلت لحل في الأخر و إحنا عرفنا من الدكتور إن مافيش دكتور راضي يعملك عمليتك و إن حالتك حرجة جدا و مرارتك ممكن لا قدر الله في أي وقت يحصلها مضاعفات و...

تنظر أسماء لهادي برعب

هادي المهم الحلقة تبقى في أسرع وقت.

أيتن ليه مار فعتيش قضية على الدكاترة اللي مش عايزة تعالجك؟

هادي

لو إستنت هي الحكم المرارة مش هتستناه، و لو رفعت قضية ساعتها الموضوع ممكن يتذاع و ممكن أي حد يعرف اللي عندها.

> أسماء بس أنا مش هينفع، أقول في تليفزيون على اللي عندي.

> > هادور

أنا هبقي المسؤول عن ده يا أسماء، ماتقلقيش، هخليهم يضلموا وشك و يغيروا صوتك تماما، إنت نفسك مش هتعرفي إن اللي في التلفزيون ده إنت.

أيتن نظر لعبد الوهاب.

أيثرن

لأ يا دكتور ما هي ديه المشكلة، إحنا عايزين المرة ديه حد يطلع بوشه، أستاذ محسن رافض تماما موضوع التضليم ده، إحنا طلعنا ناس كثير مضلمين و مش ناويين نطلع حد ثاني مضلم.

هادي بس أنا ماحدش فهمني كده.

أبثان

كده الموضوع هيبقي مكرر و مش هيجيب نتيجة، و المشكلة الثانية إنه لما بيطلعوا مضلمين بيخوفوا الناس منهم أكثر، و ده بيجيب نتيجه عكسية و بيزود الوصم و..

أسماء

أنا مش هطلع بوشي، في ناس ماينفعش يعرفوا اللي عندي.

را الله المادية

يقف هادي.

### هادي ع العموم يا جماعة نتكلم بعدين.

أيتن

أسماء، إنت حالتك ممكن تقلب الدنيا، فكري إيه اللي ممكن يحصل لما يتقال على التلفزيون إن في واحدة إترمت من أوضه العمليات للشارع بنقالتها، عشان الدكاترة اللي المفروض إنهم فاهمين خافوا يعالجوها، ديه فرصتك يا أسماء و لازم تستغليها، مش بعيد تكون فرصة عمرك، و أنا عارفة إن عندك بنت عايزة تربيها.

لا ترد أسماء.

أيتن ع العموم ده كارتي لو غيرتي رأيك. قدامك لحد بكره الظهر.

تأخذ أسماء الكارت.

هادي شکر ا يا جماعة.

يفتحلهم هادي الباب.

نهار / خارجي

أمام باب الجمعية

1

تقف أسماء مع هادي.

هادي مالكيش دعوة، دول عايزين فرقعة و السلام، أنا مرتب برنامج ثاني.

> أسماء هو فعلا يا دكتور الحالة متأخرة كده؟

هادي ماتخافيش يا أسماء أنا هتصرف، إنت زي الفل، أنا بس كنت عايز أخوفهم عشان أعجل بالموضوع.

> اسماء قولي يا دكتور الحقيقة أنا لازم أعرف.

هادي إنت بتكدبيني يعني؟ يالا، روحي إنت شغلك عشان ماتثأخريش عليه.

يأتي شفيق.



شفيق

## مدام أسماء ممكن لحظة؟

يغادر هادي و لكن أسماء تستوقفه.

هادي مع السلامة أنا.

اسماء

خليك يا دكتور، معلش يا أستاذ شفيق، خليها مرة ثانية عشان متأخرة عن الشغل، مع السلامة.

تغادر أسماء فيقترب هادي من شفيق و يربت على كتفه.

هادي خير ها في غير ها.

يبتسم له شفيق و ينظر لها شفيق و هي تغادر.

نهار / داخلی

المطار

على لوحة المعلومات، آلاف الرحلات تأتي و تغادر و المسافرون يملؤون المطار بحقائبهم، و بين المسافرين أسماء، تعمل في المطار كعاملة نظافة، تمسح الأرض بمقشتها الطويلة، بينما المسافرون سيكونون في بلدان أخرى بعد ساعات، يمر قافلة من الحجاج و أسماء تنظر لهم.

الإستعلامات النداء الأخير لرحلة جدة، الرجاء التوجه لبوابة خمسة.

أسماء تمسح في مكان اخر ، ترى سيدة عجوز نائمة على نفسها و هي تجلس على كرسي من كراسي الإنتظار ، تقترب منها أسماء و تتلصص على تذكرتها ثم تقوم بإيقاظها بهدوء.

> أسماء يا حاجة.. يا حاجة.

> > تستيقظ و تنظر لها في عدم فهم.

الحاجة لسة. حاجة ديه لما أرجع بقى إنشاء اش.

> اسماء إنت رايحة رحلة جدة؟

الحاجة لأ أنا رايحة الحجاز.



## اسماء إنت كده الرحلة هتفوت عليكي.

تتنفض السيدة، تساعدها أسماء على حمل حقائبها.

قطع عليهم يجرون سويا ليلحقون بالباب قبل أن يغلق، و تدخل السيدة لتكون آخر المسافرين على الرحلة، تمر الحاجة و تنظر الأسماء التي بدأت بالإبتسام.

> المضيفة خشى يا حاجة بسر عة الطيارة هتقوم.

الحاجة إله يكر مك يا بنتي و ينولك اللي في بالك.

> اسماء إدعيلي بنتي تتجوز يا حاجة.

الحاجة يقدملك و يقدملها اللي فيه الخير.

اسماء لا يا حاجة تتجوز، إسمها حبيبة، حبيبة بنت أسماء، قولي يا رب تتجوز، و بسر عة يا حاجة، قولي لربنا بسر عة . تبتسم لها السيدة و تغادر، و تكلمها المضيفة.

> نادية طب روحي الحقى القبض قبل ما يقفلوا الخازنة.

نهار ۱/ داخلی

مكتب في المطار

تستلم أسماء القبض و تمضى على ورقة.

المحاسب مدام عفاف كانت عايز اكي.

> أسماء أستر ياللي بتستر.

نهار / داخلي

مكان تغيير الملابس

أسماء تبدل ملابسها و تدخل عليها عفاف.

7



### عفاف إنت كويسة يا أسماء؟

ترتعب أسماء

اسماء آه الحمد شه يا مدام عفاف.

عفاف مش ملاحظة إنك يتغيبي و بتسأنني كثير؟ مالك المرارة برضه؟

اسماء معلش يا مدام، إنشاء الله كلها كام يوم و أعمل العملية.

> عفاف إيه المشكلة؟ فلوس؟ تحبى نلملك؟

اسماء الحمد لله مش مشكلة فلوس، بس بدور على دكتور كويس...

عفاف طيب لحد ما تلاقي دكتور و ترجعي بصحتك خدي أجازة.. ماشي؟ اسماء أنا فعار ضك يا مدام أنا في عرض القرش مش هستحمل أجازة.

عفاف و أنا مش كل كام يوم يجولي و يقولولي أغم عليكي. إعملي العملية و قومي بالسلامة و تعالى يا أسماء. تغادر عفاف، تكاد أسماء أن تتبعها و لكن شيء ما ينغص عليها، في جانبها، ألم ما يمنعها من السير في إتجاه عفاف.

نهار / خارجي شارع / أتوبيس

تمشي أسماء في حالة من الألم و الوجع، الرؤية عندها تزغلل، العرق يتصبب منها، تتحرك بصعوبة، يقف الأتوبيس، تركبه و تترنح داخله، تحاول أن تقف لا تستطيع، تنظر حولها الناس غير مهتمين و جالسين، تحاول أسماء التماسك أكثر، الأصوات تتعالى في أذنها، إلى أن تقع فجأة، الناس ينظرون يحاولون الإهتمام وسط الزحام، و هي تبدأ في فقدان الوعي، و آخر ماتنظر له شنطتها، و الأشياء التي وقعت منها، كارت أيتن و القبض.

المال و قع من الشنطة، مرتب الشهر، يأخذه شاب في الزحمة و يبتعد به، تحاول أسماء أن تعترض و لكن الإعياء أقوى منها، و يغشى عليها وسط كلام الناس.

### بیث محس

في فيلا محسن، تجلس زوجته نبيلة (سيدة مجتمع أنيقة بشكل واضح و لبقة بشكل أوضح) و معها العديد من سيدات و رجال المجتمع المثقفين في مأدبة عشاء مبكر، و تتكلم نبيلة معهم و هي تأكل في بطيئ.

ālui

جبنا البنت. و حفظناها هتقول إيه قدام القاضي بالظبط. طبعا هي كل ما بتحكي الحكاية بتتلالاً.. و هي بنت صغيرة بقى بتتكلم بالعافية.. و لو قالت كلمة مش شبه المحضر كإن مافيش قضية بالظبط.

رجل أنيق (1) مش ديه اللي طلعت مع محسن، اللي عندها 13 سنة؟

سيدة أنيقة (1) 13 إيه؟ هو في حد يغتصب بنت عندها 13 سنة؟

نبيلة و لسة بترضع وحياتك، المجتمع النهاردة بيولع.

> سيدة أنيقة (2) على صفيح ساخن

> > يېئسمون

نبيلة

المهم، كسبنا القضية، و بعد الحكم، نكتشف بعدها بست أشهر إن الراجل بريء و أبوها هو الجاني و هو اللي إغتصبها.

سيدة أنيقة (1) لا حول و لا قوة إلا بالله، و بعدين عملتوا إيه في الراجل اللي إتسجن ظلم ده؟

يكملون أكلهم و يدخل محسن الفيلا، و يقترب و يجلس وسطم.

نبيلة أهه محسن أهه جه.

محسن السلام عليكم جميعار لا سلام على طعام

يجلس و بيدأ الأكل معه.

رجل أنيق (2) حلقة إمبارح ممتازة، ربنا يكرمك يا أستاذ محسن على اللي بتعمله للناس و المجتمع.

# رجل أنيق (1) لازم تخرب بيت الناس ديه و تفضحهم، اللي بيتاجروا بأوجاع الناس.

محسن یا سیدی. ما کلنا بنتاجر.

قنبلة وقعت جعلت الجميع يصمت. و يمد محسن يده ليأتي بر غيف عيش من أمامه.

محسن يا ستى إلله يكرمك. بس أنا باكل عيش. لو اللي هيأكلني عيش إني أغني و صوتي كان حلو، كان زماني بغني في مارينا دلوقتي..

يبتسملهم و بيدأ في الأكل، في لحظة موترة و غريبة، و تنظر له نبيلة في صمت.

ليل / داخلي بيت محسن

محسن يتجه لباب الفيلا و ينظر لمرأة و يعدل خصلات شعره في المرأة بتأني و تأتي نبيلة من خلفه.

نبيلة رايح البرنامج بلوقتي؟

محسن آه.. ماعلش لو كنت غلست عليهم.

> نبيلة براحتك. هم يستاهلوا.

> > تبتسم له يبتسم لها و يبادر بالمغادرة.

محسن عايزة حاجة؟

نبيلة ماتنساش بس الشيك بناع آخر دفعة في فيلة مراسي..

محسن كويس إنك فكرتيني. بكرة هكتبهولك في المكتب و أبعتهولك.. باي.

يقبلها من خدها و يغادر.



۽ ليل / داخلي

### بيت محمن

ترجع نبيلة للجمع المتجمع عندها. كلهم يشربون الشاي، تجلس وسطهم.

### نبيلة كنا بنقول إيه بقى؟

م اليل / داخلي بيت أسماء

تدخل أسماء بيتها، تجد التليفزيون مفتوح، به محسن السيسي، و والدها أمامه نائم على الكنبة، تدخل لغرفة بنتها، تجدها خالية، تنظر لها و هي خالية، تقترب من صور حبيبة التي على الحائط، تنظر لهم.

ليل / داخلي غرفة أسماء

تحاول أسماء أن تنام بملابسها على السرير. تحاول أن تغمض عيناها، تجد نور بسيط من تحت الباب، تذهب و تضع قماشة تحت الباب، تجد نور أحمر آخر بسيط يأتي فتضع عليه طرحة.

أسماء تحاول أن تظلم المكان تماما و لكن هناك نور يأتي من الشباك، تذهب لتجد قطعة من الشيش مكسورة و واقعة على الأرض.

م بيت أسماء (الصالة / الحمام)

من الواضح أن أسماء فقدت الأمل في النوم في غرفتها، خرجت، لتنام على الأرض، تحت الكنبة، لتكن بجانب والدها، أمامها في التلفار محسن السيسي يتكلم و لكن صوت التلفار واطي.

محسن السيسي يتكلم مع خالد أبو النجا و واضح أن الحوار ضاحك مسلي.

خالد و أنا بتمنى إن الناس تشاركنا في الحركة ديه، عشان يعرفوا حقوقهم إيه، و يبدأوا يطالبوا بيها.

محس غريبة قوي يا خالد. أنا مستغرب من إهتمامك ده بصر احة. أصل أنا سمعت إنهم بيقولوا إنك بقيت سفير نوايا حسنة عشان تاخد الباسبور الدبلوماسي و تسافر من غير فيسا أي حتة و كده.

يضحك خالد



### الباسبور مليان فياس والله، أطلعهولك؟

محسن و الله صادق. سيبك من الكلام الكبير ده و قوللي آخر أعمالك الفنية بقي.

تدخل حبيبة تنظر لهم و لا تدري إن كانوا مستيقظين أم لا، و لكنها تدخل لغرفتها و هي تخلع حجابها الأبيض.

تدخل حبيبة الحمام، تنظر لنفسها في المرأة، و تجد طرف صورة ظاهر من تحت الدولاب الذي في الحمام، تجذبه، لتجد صورة أمها مع أبيها، تنظر لها، لأنها تراها لأول مرة.

في الخارج أسماء عينها تائهة مع ما تراه في التلفاز إلى أن تغلق عيناها.

### قطع زمتي

نهار / داخلی

غرفة أسماء في بيتها القديم في الفلاحين

صوت الأب (حسني) على شاشة سوداء

حسني أسماء . أسماء . إصبحي يا بت .

تفتح أسماء عينيها، لتجد وجه والدها، و لكن وجهه و هو أصغر عشرون سنة كاملة، و نراه يغادر الغرفة.

حسني جنك البلة أمك كات بتصحى ع الديك.

تعدل أسماء جلستها، تفرك وجهها، أسماء في أوائل العشرينيات، وجهها جميل و مليء بالحيوية.

أسماه صباح النور يابا.

یکتب (عام ۱۹۹۱)

نهار / خارجي

1

جانب بيت أسماء في الفلاحين

تنفض أسماء التراب من على بعض السجاجيد الصغيرة، أسماء قوية.



طريق جانب ترعة

تمشي أسماء و هي تحمل العديد من السجاد فوق رأسها، يمر تيروسيكل عليه رجل كبير.

الرجل ما تيجي أو صلك معايا.

أسماء ليه يا عم؟ شايفني عارجة؟

الرجل الحق عليا يا بت حسني.

اسماء تشکر یا عم فضل، یا عسل... مش عار سجاد؟

يشاور في يده في عدم إكثرات، تكمل أسماء مسيرتها.

نهار /خارجي

-

لمبوق

في السوق الكبير تفرش أسماء سجاجيدها، و تلف للناس و تبدأ بالتصفيق و النداء بصوت عالى.

اسماء ياللا السجاد الأحمر .. ياللا السجاد البني.

ينظر لها الجميع متعجبا من صوتها العالي، ينظر لها من بعيد (مسعد) شاب في العشرينيات، مرتدي رداء الأمن المركزي، مفتول العضلات مع رفعه، طويل و وسيم مع ملامحه المصرية، يفترب من أسماء رجل كبير (سيد).

سيد حد ينادي كده؟ بتبيعي قوطة؟ السلام عليكم

> اسماء و عليكم..

سيد كام الواحدة؟

> اسماء خمسين

سید به؟ ابر انے،؟



اسماء و الله العظيم ده أحسن، إتفرج كده و إنت تعرف.

> سید جایباه منین؟

أسماء جايباه إيه؟! ده أنا اللي عملاه.

سيد لأ شاطرة، هاخدهم كلهم، بس الواحدة بعشرة.

تتجاهله أسماء و تكمل ندائها.

أسماء باللا السجاد البني.. باللا المزخرف.

> سید آنا مش بکلمك یا بت؟

> > أسماء بت إلا لما تبتك.

مبید إنت ماحدش مالی عینك یا بت و لا ایه ماتكلمي عدل؟

يتدخل مسعد

مسعد فی ایه یا حاج سید مالك؟

أسماء ماله إيه إنت كمان، و إنتم هتعملوا عليا فرح؟

يتعجب مسعد

سید سیبها یا عم دیه بت إمبارح.

يغادر سيد و مسعد أيضا بعدما أحرجته أسماء، و تظل هي ناظرة له بعدما أدركت غلطتها.

ليل / داخلي

ينت أسماد

7

أسماء مع حسني، يخيط سجادة معها.

حسني ينفع كده؟ ده منظر؟ شايفة الخط ده مايل إزاي؟

اسماء يابا حرام عليك، ده المصنع مايطلعوش كده.

حسني يا بت نزلي مناخيرك اللي في السما ده، لو ماكسر تهالكيش هييجي حد و يكسر هالك.

> أسماء هو إنت تعرف مسعد إبن الحاج عوض؟

> > حسني الواد المتجند ده؟ ماله؟

> > > أسماء تعرفه؟

حسني أيوة أعرفه، ماله؟ إتعر ضلك؟

أسماء لا ماتعر ضليش، إنت هاتعملها رواية؟ طب قولي إيه رأيك في ديه؟

تخرج له سجادة أخرى، و هو ينظر لها في شك.

ليل / داخلي

بيت أسماء (غرفتها)

أسماء في غرفتها، تخلع الإيشارب الذي يغطي رأسها، و تحاول أن تسرح شعرها و تنظر لنفسها و لجسدها في المرآة، يتمعن، تريد أن تأكد لنفسها أنها جميلة.

خارج الغرفة، يمر الأب، ينظر لها، و هي تأنق أمام المرآة، يصمت، يتركها و يمر، و مازالت هي تغازل نفسها أمام المرآة.

نهار /خارجي

ساحة في البلا

في ساحة كبيرة يلعب الشباب الكرة، مسعد و أخيه يس و الكثير من الشباب الأخرين، مسعد واضح أنه نجم المباراة، يجري و يحرز هدف، و يجرون حوله، أسماء تنظر له من بعيد، من الجلي أن أسماء متانقة، و جملت

www.gazedi8.com

نفسها على قدر ما تستطيع، ليصبح شكلها أكثر جاذبية، ينظر لها مسعد من بعيد و لكن لا يعطيها أي إهتمام. يشوط أحدهم الكرة بعيدا فتذهب في إتجاه أسماء، فيهم يس للإتيان بها و لكن مسعد يستوقفه.

> مسعد اِستنی یا یس، هاجیبها

يقف يس و ينظر لمسعد الذي هم بالإتيان بالكرة، في حين أننا نرى الكرة تقف عند أسماء، فتأخذها و تقترب من مسعد و تعطيها له، فيقترب مسعد و يأخذها منها.

> يس مين البت ديه؟

أحد اللاعبين ديه أسماء بنت حسني السبرتجي.

> أسماء (لمسعد) مافيش شكر ا؟

> > مسعد مافیش

يبتسم لها و يغادر فتبتسم له، يدخل مسعد ليكمل لعب في الوقت الذي يتابع فيه يس الموقف، و أسماء تبتعد.

ليل / داخلي

بيت أسماء

فردة جزمة ترمى على أسماء و هي تتفاداها في صعوبة، و حسني يخلع الفردة الأخرى من رجله ليرميها بها أيضيا.

> حسني ر ايحة تعاكسي الواد قدام البلد كلها؟ يا أم عين بكسة يا بنت الكلب؟

> > اسماء بنت كلب ماشي بس أنا عيني مش بكسة.

> > > ير ميها بالفردة

حسني بتافي يا هبلة؟

أسماء هو الواد عينه مني و أنا عارفة.



### حسني حتى لو عينوا منك، مش هيقر بلك بعد ما فضحتى نفسك و إندلقتى عليه.

تجري منه و يخبط أحدهم على الباب، يذهب ليفتحه.

حسني لو مسكتك هموتك.

يجد أمامه مسعد في جلباب أنيق يقف أمامه.

مسعد السلام عليكم

> حسني نعم؟

مسعد ممكن أخش با عم حسني؟

ينظر حسنى للداخل فيجدها تطلع له لسانها فيدميها بشبشب آخر و ينظر لمسعد.

حسني عايز إيه؟

ليل / خارجي / داخلي

,5

أمام بيت مسعد و أسماء و داخله

ضرب نار إحتفالا بالفرح البلدي، الأحصنة و الناس يغنون و يرقصون، مسعد و حسني يقفان في قلق، ينظرون الشباك ما.

داخل البيت أسماء و فتنة والدة مسعد سويا، أسماء دمو عها على خدها و هي نائمة و فاتحها رجليها، و بينهم رأس فتنة، أسماء تتألم من الذي يحدث و تحاول التملص.

> فننة إهدي يا بث.

خارج البيت الشباك يفتح، تخرج فتنة و معها المنديل الملوث بالدماء و ترفعه، فيفرح الجميع، و يزيد ضرب النار، من الواضح أن كل من مسعد و حسني أخرجوا نفس يدل على أنهم تنفسوا الصعداء و كانوا في وضع توتر، و بعد العلامة فرحوا، و حضن مسعد حسني، و جرى للداخل و الأم تخرج، و الناس يطبلون.

داخل البيت يدخل مسعد، ليجد أسماء جالسة على طرف السرير، دمو عها مرسومة على وجهها، سوداء بسبب الكحل، يتأثر مسعد من الموقف يجلس جانبها في صمت، يربت على يدها، فتأخذ يده هي و تقبلها، يبتسم لها و تحاول هي أيضا أن تبتسم له.



يجلسون سويا في حالة من عدم الكلام، و في الخارج الطبل و الزمامير تستمر.

صوت عيار ناري عالي.

# قطع زمني

نهار / داخلي

مبنى الجريدة

يفتح مع صوت العيار الناري باب الأسانسير في مبنى الجريدة الضخم، و محسن السيسي يخرج من هذا الباب، و نجده يسير و يسير معه عدة مساعدين منهم أيتن و عبد الوهاب.

مساعد (١) صباح الخيز... إنتخابات حزب الحرية، سيد السرساوي نجح بإكتساح.

> محسن السيسي حصل مشاكل و لا الموضوع عدا عادي؟

> > مساعد (١) لأ الموضوع كان نايم

محسن السيسي في حاجة صباحية؟

مساعد (٢) النهاردة إعدام الراجل اللي قتل مراته و عشيقها بتاع الكوربة.

> محسن السيسي ماشي بس خلي التقرير خمس دقايق.

مساعد (٣) فضوا إعتصام مجلس الدولة.

> محسن السيسي ضربو هم؟

> > مساعد (۳) لأ

محسن السيسي دقيقتين، و بلاش الواد بتاع التقارير اللي صوته مش طالع ده، هتلي حد بيعرف يبعبع.



2

يقترب من مكتبه.

محسن و إنت طبعا ماعرفتيش توصلي لحاجة.

أيتن إحنا قولنالهم إن لازم يطلعوا بوشهم ماوفقوش و لما...

محسن (مقاطعا) المهم ماعر فتيش تقنعيهم، كل حاجة لازم أعملها بنفسي؟ في ستين داهية، خليهم يتحرفوا بجاز.

يدخل مكتبه

محسن كله يقولك مظلوم، متبهدل متنيل، و لما نقوله تعالى خد حقك يموت في جلده، مش كفاية هنطلعهم على الهوا نشحتلهم.

يجد أسماء في مكتبه تقف و تسمع كلامه.

محسن مین دیه؟

أيتن ديه مدام أسماء حسني، قررت تطلع بوشها.

يقترب منها محسن السيسي.

أسماء أنا لما أبويا راح يجيب التاكسي بتاعه، قالوله هندفع عليه ضريبة.

لا يفهم محسن السيسى ما هذا الكلام.

اسماء

لما قالهم حرام، و "إحنا القيين ناكل" و كان هيضرب الموظف، الناس مسكوه، و قالوله إن الفلوس ديه بنديها اللحكومة عشان ترجع تصرفها علينا عشان تعلمنا و تعالجنا، أنا مش جاية أشحت يا أستاذ محسن.

يصمت في إحراج هو و هم، و يقترب و يسلم عليها، فتمد يدها في بطيء.

محسن السيسي حقك عليا يا مدام، أنا كده لساني متبري مني و بيوديني في داهية.

تسلم عليه، (يدها فيها القفارات).



### مكتب محسن

في تليفزيون في مكتب محسن يعرض فيلم تسجيلي عن مريضة إيدز جزانرية

المريضة و أنا نحيى حياة عادية طبيعية.

أسماء تجلس و جانبها محسن و أيتن يشاهدان الفيلم التسجيلي.

أيتن ديه يا أسماء من الجزاير .. كانت أول واحدة تطلع بوشها هناك ..

> أسماء و حصلها إيه؟

تحاول أيتن الرد و لكن محسن يقف ليكلم أسماء و يقف حائلا بينها و بين الفيلم..

محسن اللي حصل إن الناس هناك مابقتش خايفة زي الأول و بقوا بييصوا للي عنده الإيدز زي الي عنده سكر و ضغط.

> اسماء تفتكر يا استاذ محسن. في حاجة ممكن تحصل بجد؟

> > سحسن

في خمسة مليون بني آدم بيشوقوا كل حلقة بنعملها، في ناس إترفدت من وظايفها و راحت ورا الشمس بسبب حلقة أو إثنين، في ناس إتنصبلها محكمة ع الهوا، في ناس كانت هتموت لحقناها و ناس كانت هتتلحق ماتت حلقة أو إثنين، في ناس إتنصبلها محكمة ع الهوا، في ناس كانت هتموت لحقناها و ناس كانت هتتلحق ماتت

أيتن ياعني لو ماعرفناش إحنا نعملك العملية ماحدش هايعرف.

يذهب ليجلس جانبها.. و يأخذ من أيتن جهاز تسجيلها و يضعه أمامها..

محسن

اسماء.. أنا عايزك تحكيلي عن كل حاجة.. الناس اللي عرفوا من أهلك عملوا معاكي إيه.. مين من أهلك مايعرفش، إحكيلي عن اللي بتحسي بيه.. إحكيلي فكرتي في إيه لما عرفتي إن جالك المرض ده.. و الأهم من ده كله.. إحكيلي إتنقلك إزاي.

تخف أسماء..

اسماء

انا ممكن أحكى لحضرتك كل حاجة. بس مش هاحكي جالي إزاي. عشان ده مالوش دعوة بالموضوع..

· jane

كل واحد هيلاقي قدامه مريض إيدز أول حاجة بيسألها جاله إزاي، لو مش ده الموضوع؟ أمال إيه الموضوع؟ ده

أكثر حاجة هتخلى الناس تتعاطف معاكى و هيسهل علينا المهمة.

أسماء تنظر الأيتن لتساعدها.

أيتن

الموضوع يا أستاذ محسن إن في واحدة إترمت من العمليات للرصيف عشان مارضتش تكدب، مش كفاية اللي عندها، عندها المرارة، تتعالج من عملية تخلص في ربع ساعة و مافيش دكتور أو مستشفى راضيين يعملوهالها عشان خايفين منها، كإنهم ماعدوش على حاجة إسمها كلية طب.

ينظر لها محسن نظرة "إنت معايا و لا معاها؟"

أيتن اللى يريحك با أسماء..

ينظر الأيتن في عدم تصديق...

محسن طب إحكيلي اللي ينفع تحكيهولي.

تنظر أسماء للتلفاز .. لتجد كل من في البرنامج يصقف لمريضة الإيدز و هي تبتسم لهم.

محسن إتفضيلي.

يضغط على زرار المسجل الصغير.

### قطع زمني

نهار / خارجي

4

الزراعات

في مكان لزرع الفاكهة، يقطف مسعد بعض ثمرات الفاكهة، و يحملهم في الجلباب، و يمشي بهم و يضعهم على الفرشة التي وضعتها أسماء و جلست عليها.

يغسل واحدة ببعض الماء و يقشرها بفمه، و يخلع قلبها باسنانه، يعطيها لأسماء و هو يبدأ في أكل واحدة بنفسه، الشمس قاربت على المغيب مما يعطي للمنظر بعض من الدفء و الشعور بالسعادة.

يستلقى على ظهره، و تقترب هي منه.

اسماء تعنت؟



يغمز بعينه بما معناه (لا).

مسعد ما تيجي ننام هنا.

أسماء و البيت ماله؟ كفر؟

يبتسم على لماضتها، تكاد تتف نواة الفاكهة التي تأكلها.

مسعد (ضاحكا) هاتي.

> اسماء آجيب إيه؟

مسعد هاتي النو ايا ديه؟

يأخذها من تحت فمها، و يضبعها معه، مع النواه التي أخرجها من فمه هو الآخر.

Jenna

دول هرجع أزرعهم ثاني، عشان اللي حباية الي تطلع، تبقى طالعة من الحباية اللي كلتها أنا و إنتي، لحد ما نجيب أول عيل، و أول ما يبدأ ياكل، ناكله من الحب بتاعنا... زي ما الحب اللي إنت شايفاه ده بتاع أبويا و جدي.

أسماء و أنا بقول طعمه وحش كده ليه.

يبتسم لها، و ينظر في عينيها إلى أن تحمر خجلا.

مسعد

أنا عايز أخلف يا أسماء، عايز أخلف بدل الواد عشرة، عشان الأرض ديه تروحلهم، يس أخويا مابيخلفش، يعني لو أنا كمان ماخلفتش الأرض ديه هتموت معانا.

أسماء بعد الشر.. تف من بقك.. إنت هتعيش حتى لو أرضك ماتت.. ربنا يخليك ليا.

يبتسم لها.

أسماء و بعدين عايز تخلف لازم تتعب شوية، أنا مش هجيبهم لوحدي.

يبتسم أكثر، و تبتسم هي الأخرى.



أسماء تبيع في السوق، و يأتي أحدهم و يتكلم معها، يرتدي ملابس عادية، تبتسم أسماء.

أسماء شكرا يا بيه، يعمر أصلك.

يبتسم لها، نراها فرحه بالمال التي أخذته، و من بعيد ينظر لها يس، الواقف بعيدا، ينظر للموقف، ينظر لها و هي تضحك و تتسامر مع الرجل، و هو يشرب سيجارة، ينظر و يخرج من عينيه طاقة من المؤكد إنها سلبية.

ليل /داخلي

بیت اسماء و مسعد

تدخل أسماء بيتها و تهي تعد أموالها، لتجديس و مسعد جالسين أمام التلفاز، يس يلف سيجارة حشيش و يبدأ بتدخينها، مسعد يقف عندما تدخل، و هي عندما ترى أن يس في البيت تضع أموالها بسرعة في ملابسها.

اسماء السلام عليكم.

مسعد عليكم السلام.

اسماء تشرب حاجة يا يس؟ أنا عارفة مسعد مابيعرفش يعمل كباية الشاي.

> يس تسلميلي... نشربك المغات يا مرات أخويا.

> > تقف في الداخل و هي تعلم معنى الكلمة.

يس (لمسعد) الساعة معاك كام يا مسعد؟

1.

يس ياه ده الدنيا إتأخرت قوي، أنا لازم أروح بقى... يالا السلام عليكم، سلام يا أسماء.. أسيبك سيجارتين؟

> مسعد تشکر یا یس

يخرج يس فيدخل مسعد ليجد أسماء واقفة في غرفتها، ترتدي ملابس للبيت.



### مسعد فين السجاجيد؟

أسماء بعتهم كلهم، و في واحد عايزني أعمله سجاد للمصنع بتاعه.

#### 19:00

ليه يا أسماء؟ ما بلاش موضوع السجاد ده، الست مالهاش إلا بيتها، و خلاص دلوقتي البلد كلها لو واحدة عايزة سجادة هتجيلك و إنت في بيتك معززة مكرمة، زي كل ستات البلد.

#### clan

بس إنت و إنت بتتجوزني يا مسعد كنت عارف إني مش زي كل ستات البلد، و لو بقيت زيهم هتكر هني و لو ماكر هني و لو ماكر هنيش أنا هكره نفسي.

James

إحنا مش محتاجين القرشين دول، و أنا بخاف عليكي يا أسماء.

اسماء

لو خايف عليا، ماتخليش أبقى مدفونة بالحياة.

Same

لو قعدتي في بيتك تبقى مدفونة بالحياة؟

#### أسماء

هبقى مدفونة بالحياة في اليوم اللي أعمل فيها حاجة غصب عني، عايشة باكل و نام، عشان لو عملت غير كده هخاف من كلام الناس... و رحمة أبوك يا مسعد تسيبني أعيشها... و حياة إبننا اللي هنجيبه.

تبتسمله، يبتسملها بسبب آخر كلمة، تقرب يديها من يديه.

41 4.0

و إذا كان ع المصنع مش هروح.. بس سيبني ع القليلة أروح السوق.

يمسك يدها مو افقا.

## قطع زمني

نهار / داخلي

2

## مكتب محسن السيسي

يد محمن السيسي تقفل الكاسيت الذي كان يسجل، أسماء تجلس أمام محسن السيسي، أيتن ماز الت في المكان تنظر لهم، محسن السيسي يأخذ نفسها طويلا، كإنه سمع شيء صادم و متعب نفسيا، و أيتن تنظر له و للموقف،



أسماء صامتة

يقف محسن السيسي، و يذهب و يفتح محفظة كبيرة للكروت و يضعهم فوق بعضهم على المكتب و يرتبهم.

محسن السيسي بصبي يا ستي.. أو لا كده.. إنتي تطلعي على شغلك... و توريلهم تحاليل بتقول على اللي عندك.

> اسماء شغلی لیه؟

محسن عشان فوق كل ده نقول إنهم رفدوكي... و تستغل ده في البرنامج.

تصيمت أسماء

محسن (لأيتن) الناس ديه يا أيتن يجولي على التليفون واحد واحد... مجدي بدير من الوزارة، محمد هاشم صاحب مستشفى دار الأمل... الشيخ محمد عتمان...

أسماء صامتة

محسن مستنية إيه يا أسماء؟ ياللا مافيش وقت.

> أسماء هو قانوني إنهم يرفدوني؟

محسن لا طبعا، عشان كده أنا عايز هم يرفدوكي. ياللا. و عايزك تلبسي حاجة حلوة كده، بس مش حلوة قوي، عشان تصعبي ع الناس برضه.

يتجه و يفتحلها الباب. تتجه لتخرج في خطوات بطيئة.

أيثن مالك يا أسماء؟

أسماء تفتكروا في أمل؟

محسن هو أكيد أكبر من الأمل لو فضيلتي قعدة مستنية الفرج، و أنا بقولك، أبقى مابفهمش حاجة لو مالاقيتيهومش جابوش ورا، وقالولك تعالى إعملي العملية ديه بكره.

> أيتن في أمل يا أسماء.



نهار / داخلي

يت أسماء

أسماء تفتح باب دو لابها و تأتي منه ببعض الورق، و أبيها يقف جانبها.

حسني بتدوري على الورق ديه ليه؟

لا ترد أسماء.

حسني ما تردي عليا يا بت.

أسماء عشان أوريهملهم الشغل.

حسني و إنت راحة تديهملهم إياكي؟

أسماء الست قالتلي مارتجعيش من غيره.

حسني إيه كلام المجانين ده، ما لما يشوفوه هيعر فوا اللي عندك و يرفدوكي.

> أسماء ما هم كده كده هيعر فوا.

> > تأتي بالورق و تستعد لمعادرة المنزل.

حسني إيه اللي هيعرفهم؟

أسماء أنا هطلع على التليفزيون أقول ع اللي عندي.

> حسني ايه؟ يعنى ايه؟

> > اسماء بعدين يابا ِ



### حسني بعدين إيه، أقفي كلمني..

لا تعيره إهتمام و تبادر لفتح باب الشقة و المغادرة.

حسني (بصوت عالى و عصبية شديدة) لما أكلمك تقفي و تكلميني، و لا إنت من كثر المسكنات اللي قاعدة تحقنيها في نفسك ما بقتيش بتحسي بحاجة، و لا حتى بتحسى باللي حوليكي.

يصدمها المعنى، تقف و تنظر له في صمت، تغلق باب الشقة و تقف له. يصمت هو الأخر.

أسماء عايزني أعمل إيه يابا؟

لا ير در

اسماء اديني و قفت. عايزني أعمل إيه؟ أروح أحضر كفني و لا أحجزلي صوان قد المقام؟ أنا لو ماعملتش العملية هموت.

> حسني قالولك كده?

أسماء مش محتاجين يقولو ا يابان

يصمت الأب من صدمته، تحاول أسماء من تهديئ روعها.

حسني قلتي لحبيبة؟

تصيمت أسملم

نهار / داخلي

مكتب في المطار

أسماء جالسة أمام المديرة، المديرة تقرأ التقرير، في صمت تنظر الأسماء، لا تدري ماذا تفعل، أسماء تنظر لها في تحدي، المديرة تتركها و تغادر المكتب.

> المديرة ثانية واحدة.



1

تنظر لها أسماء تخرج من المكتب، تنظر من شباك المكتب، لتر اها تتكلم مع مدير أخر من بعيد، و يصدم المدير الأخر عندما تخبره الخبر، يهرش في رأسه دلالة على عدم وجود تخيله لرد الفعل لما سمعه، يأتي مدير آخر، و تنظر لهم أسماء في صمت.

تجلس أسماء مجددا منتظرة ما سيحدث لها.

م

المطار

الشاشات تتبدل، الناس يمشون، جالسون، منتظرين، نانمون.

نهار / داخلي المكتب / المطار

تدخل المديرة الأسماء.

المديرة تعالى معايا يا أسماء

تمشي معها أسماء، و يدخلون مكتب أخر فيه عاملين كثيرين، ينظرون لها من بعيد كإنها شبح.

المديرة إحنا طبعا قانونيا مانقدرش نرفدك، و من حقك تفضلي معانا هنا.

تنظر لها أسماء غير مصدقة.

المديرة بس أنا حبيت آخد رأي زمايلك في الموضوع، مين فيكم يحب إن أسماء تفضل معانا هنا، اللي موافق، يرفع إيده. لا يرفع أحد يديه، و ينظرون بعيدا عنها.

> المديرة مين مع إن أسماء تمشي؟

يبدأون برفع أيديهم واحد تلو الآخر، واحدة فقط لا ترفع يدها، تنظر لها المديرة، تنظر لهم أسماه.

م أمام المطار

تغادر أسماء المطار، و لكن تأتي خلفها هذه الزميلة التي لم ترفع يديها.



الز ميلة اسماء

تقف أسماء و تنظر لها.

الزميلة

إحنا و الزملا جمعنالك المبلغ ده، عشان يسند لحد ما ربنا يفرجها، سايق عليك النبي تاخديه.

تنظر لها أسماء، و تقوم السيدة بوضع المبلغ على الأرض، و ترجع للخلف، تنظر لها أسماء، تبتسم نصف إبتسامة، و تقترب و تأخذ المبلغ، تمشى في قمة من الغضب و العصبية.

ليل /خارجي

صيدلية

تدخل أسماء صيدلية. منتظرة أن يتنهي الصيدلي من التكلم مع مريض. تنظر للوحات الدعانية الملينة بالأسر السعيدة.

ينتهي الصيطي..

الصبيدلي (لأسماء) مسكنات؟

تومىء اسماء براسها.

الصيدلي كام واحدة؟

تعطيه أسماء رزمة المال.

أسماء شوف دول يجيبوا كام واحدة.

ينظر الصيدلي للمال.

الصيدلي أنا عندي حاجة أقوى تحبي؟

ليل / داخلي

2

مخزن الصيدلية

تدخل معه أسماء للمخزن، يخرج لها محاليل أخرى..



اسماء ایه ده؟

الصيدلي ده تخديه بس بجرعة معينة هديهالك. و الازم تاخدي بالك من الجرعة، أكثر من نقطتين ممكن تسافري؟

> اسماء أسافر فين؟

الصيدلي قصدي يعني... خدي نقطتين و خلاص.

> أسماء هاخد علبة واحدة؟

الصيدلي ديه تقعد معاكي شهرين.

يبتسم لها

الصيدلي هندعيلي.

تنظر له أسماء في عدم فهم، ثم تنظر للدواء مرة أخرى.

# قطع زمني

ليل / داخلي

بیت مسعد و آسماء

جالس مسعد و يس و زوجته الصمغيرة و أمهم الكبيرة يأكلون و تأتي أسماء لتضمع أكل آخر.

الأم خلاص يا أسماء، و النبي لآنتي قاعدة و كلي معانا، الأكل ده هيخلص إمتى؟

> اسماء لا إزاي، ده أنا لسة عاملة أكل ثاني.

> > تَقَفَ أسماء.

الأم أنا كده إطمنت إنك هتغذى عيالك و هيطلعوا صحة.



## یس (لزوجته) خشی یا بت ساعدیها... و اِتعلمی منها.

تدخل أسماء المطبخ، و تترك زوجة يس (صابرين) -التي كانت في محطة الأتوبيس في سن أكبر - الأكل و تدخل خلف أسماء لتساعدها.

صابرین عنك با أسما

أسماء إنت عندك كام سنة يا صابرين؟

صابرين أمي ماتعرفش ولدتني إمتى بس بتقولي إنت يجيلك تمانتاشر.

اسماء تمنتاشر؟ ده أنا سامعة إن يس متجوز من عشر سنين.

> صابرين ديه مراته الأولانية.

اسماء و إنت الثانية؟

صابرين الثالثة... الراجل من دول محتاج ثلاث حريم قبل ما يفهم إن المشكلة من عنده... و خصوصا لما تكون الحاجة أمه..

تسرح أسماء... و تنظر ليس من بعيد و هو يأكل، ثم أمه، ثم مسعد.

صابرين بس هم بيقولوا المشكلة من الحقن اللي بياخدها.

> أسماء حقن إيه؟

صابرین دو اکده مادرکش اسمه ایه؟

أسماء تنظر ليس.



المشهد

أسماء و الدكتور (مروان) يكلمها و هي تعدل ملابسها.

الدكتور مافكيش حاجة. إنت زي الفل، ممكن تخلفي دستة. اللي بعده.

> اسماء أمال لمنة ماحبلتش ليه؟

> > الدكتور

يا ست الكل. إنت ماكلمتيش ست أشهر .. في ناس ثانية زي البمب ممكن تقعد بالسنين لحد ما ربنا يكرم.. إنتي بست الله بي الدعا شوية .. و لما ربنا يكرم ماتنسينيش في الملبس..

الممرض باللا با ست.

يخرجها الممرض و وهو يدفعها خارج الغرفة و ينده لعيان أخر يهمس لها.

الممرض ايه اللي جايبك هنا، هما دول يفهمو ا حاجة؟

> أسماء أمال مين اللي يفهم؟

> > الممرض

اللي الخط بينهم و بين اللي خالقك عمره ما يقطع... بس إنت تشخللي جيبك و تبطلي إسترخاص.

تنظر له أسماء

المشهد المشهد

سوق في الفلاحين

تذهب أسماء للتاجر الذي رأيناه في أول الفيلم.

أسماء السلام عليكم

التاجر و عليكم السلام..

اسماء معايا عشر سجاجيد تاخدهم كلهم بكام؟

ينظر لها التاجر بريبة.



التاجر السوق نايم..

أسماء خده بالسعر اللي يصحيه..

تضع السجاجيد كلها أمامه

نهار / داخلي

المشهد

مبنى يشبه الجامع

تمشي أسماء مع مرأة في ردهة و هم متجهين لغرفة صغيرة.

المرأة الشيخ سيد مابيقبلش حد إلا بين المغرب و العشا.. بس أنا هدخلك عشان عارفة إن مشوارك طويل.. ربنا هيجعلك في إيده الشفا.. بس إنت طاهرة؟

نهار / داخلي

المشهد

غرفة الشيخ سيد

الشيخ سيد شيخ شكله طبيعي. يقرأ قرآن في سره. و واضع يده على رأس أسماء و هي مغمضة عيناها تتقبل مباركاته..

> الشيخ سيد عايزة تكيدي و لا عايزة تزيدي؟

> > أسماء عايزة أخلف.

الشيخ للذكر حظ الأثنيين.

> اسماء ذكر.

الشيخ غالية و الطلب غالي..

تضع كومة من المال على الطاولة...



لشيخ

بس ده کثیر ..

أسماء خليهم توأم..

ليل / داخلي

.24

بيت أسماء و مسعد

تدخل أسماء العطبخ، و تخرج أشياء غريبة، جدا، و تضعها في كوب من الماء، بودرة شكلها غريب، ورقة مكتوب عليها قرآن، و تخرج كتكوت و نراها تحاول فصل رأسه عن جسده و هي تتألم مما تفعل، لنرى دمه تقع في الكوب، و تكاد أن تشربه في تقرّز و لكن يباغتها صوت مسعد.

> مسعد بتعملي إيه يا أسماء؟

> > تقع منها الكوب و تنكسر، فينجرح قدمها، و يهرع لها هو.

ليل / داخلي

-

بیت أسماء و مسعد

أسماء جالسة و يداوي رجلها مسعد، و هي مدمعة العينان و تتأوه و هو يخرج الزجاج من رجلها و يداويها.

Serie

أمال أنا مش زيهم؟ و خريجة ثالثة إعدادي؟ و جبت الديل من ديله؟

أسماء

قوللي يا مسعد إني لو ماخلفتش مش هنتجوز عليها.

يقرص على رجلها فتتأوه بشدة.

10000

أحسن.

اسماء

قوللي يا مسعد

بحاس حانتها مسعن

Same

إنت على قد ما إنت عاملة فيها برم، وحدقة، و إنت أهبل من الهبل.

متماع



قوللي يا مسعد... قولهالي و ريحني.

10000

أنا مش عارف لو ماخلفتش يا أسماء هعيش ليه؟ هنزل أزرع أرضي ليه و لمين؟ هقوم من ع السرير ليه؟ بس مع كل ده، إنت لو حتى متى، و ربنا ريحني منك و من غباوتك، مش هعرف أتجوز عليكي.

يبتسم لها، فتبتسم هي الأخرى.

أسماء إنشاء الله إنت و اللي يكر هوني.

يضغط على رجلها مرة أخرى فتتأوه.

## قطع زمني

نهار / داخلی

الجمعية

كمثل المشهد الذي في أول الفيلم، نرى الجمعية و مجموعة الدعم و لكن بشكل ضبابي مبهم.

الكل يجلس و يتكلم شفيق، و الكل يركز معه.

شفيق

ست سنين من ساعت ما توفت بالظبط، و أمها بتكلمني في المنتوية كل سنة تطمن عليا، كثر خير ها.

تنظر له اسماء بتأثر.

شفيق

كل ما تكلمني تقولي مش هتتجوز ثاني؟ كل مرة كنت بقولها لأ، بس المرة ديه قولتها "ربنا يسهل"

يبتسمون له جميعا

هادي ديه في حد ذاتها محتاجة تحية.

يبدأ بتصفيق بسيط و معه بعضهم.

نهار / داخلي

خر

بيت اسماء

تفتح أسماء باب شقتها لتحد شفيق في وجهها، تقف تتعجب، بأتي الأب من خلفه



تدخل أسماء و هي لا تفهم وجود شفيق.

لا يعرف شفيق كيف يرد.

ايه في حاجة ديه؟ بلد ما ترحبي بالراجل في بيتك؟

أسماء أنا بس خفت يكون حد حصله حاجة.

لا هم كلهم زي الفل.. أنَّا كنت جايلك إنت في كلمتين، أخدت العنوان من دكتور هاني و قولت أجي أكلمك دو غري.

حسني يرجع للخلف برجله و يشوط زجاجة خمرة ليدفسها تحت الكنبة

جسني إتفضل أقعد يابني... قهوتك إيه؟

يجلس شفيق و تجلس أسماء.

ممكن قبل ما تحاولي تقولي أي حاجة تفلفصني بيها، نشر ب القهوة و تيجي معايا مشوار؟

أسماء مشوار فين؟

شفيق.. أنا مش عارفة أقولك إيه..

شفيق قولي بعد المشوار .



## اسماء أنا مانفعلكش يا شفيق.

لحظة صمت.

شفيق حوشي كلامك اللي أنا عارفه ده لبعد المشوار، على القليلة تفكري إزاي تقوليه بطريقة أحسن شوية. تصمت أسماء.

أسماء هنروح فين؟

نهار / خارجي

حارة أسماء

تنزل أسماء من بيتها، تدخل سيارة شفيق بعد أن يفتحهلها الباب، هي محرجة، البعض ينظر و يلسن عليها، المكوجي ينظر من بعيد و يتف ما في فمه

نهار / خارجي

شوارع/سيارة شفيق

شفيق يقود و أسماء في وضع غير مريح

شفیق تحبی تسمعی ایه؟

> اسماء اي حاجة.

شفيق بتحبي الست؟

توميء برأسها، فيضع شريط لأم كاتوم في الكاسيت.

نراها تسرح في كلمات الأغنية، مع نظراتها للشرع و الناس الذين يمشون فيه و يتعاملون مع بعضهم.

نهار / خارجي

أو لا من فقر



3

تقف سيارة شفيق أمام مستشفى خاصة و ينزل منها و تنزل معه أسماء و هي تنظر للمستشفى التي تشبه الفندق الفخم

نهار / داخلی

7

## المستشفى الخاص

يدخل شفيق مع أسماء في هذه المستشفى الفخمة جدا، و يمشون وسط علية القوم، و يقابلهم دكتور كبير في السن، متبسم، وجهه ملائكي، و خصوصا بزبيبة الصلاة، و ذقنه الحليقة، و إسمه عمرو.

> الدكتور عمرو أبو الرجال. إزيك يا بطل؟

> > يسلم على شفيق و يأخذون بعض بالحضن.

الدكتور عمرو و ديه أكيد ست أسماء.

يمد يده ليسلم عليها

الدكتور عمرو أنا عامة مش بسلم على ستات بس إنت بالذات عايز أسلم عليكي.

تسلم عليه أسماء فيرى القفازات.

الدكتور جوانتي؟ جزاكي الله كل خير ... إتفضلوا.

يمشى و يمشون خلفه.

نهار / داخلي

\*\*

المستشفى

يمشي دكتور عمرو و معه شفيق، يمرون على الغرف، و يرون كيف هي فخمة، و يتكلم الدكتور عمرو.

عمر و

ديه الأوض، تكاد تكون فندقية... و ديه الإستراحة... مشتركين حتى في الجزيرة عشان نزيع ماتشات كاس العالم، مش يعيالك عيان و كمان تروح عليك الماتشات.

يضحك شقيق

عمرو

و ديه العناية المركزة، نسخة من المستشفى بتاعتنا في لندن، بإستثناء إن الدكاترة مصريين، وأقسملك برب

العزة، إحنا عندنا دكاترة أحسن من الى عندهم ميت مرة.

يكمل معهم الجولة.

شفیق انا مش مصدق، ده خمس نجوم مش کفایة یا دکتور عمرو.

عمرو. المهم النجوم اللي ربنا هيديهملنا... المستشفى ديه تكاد تكون بالمجان للناس، لإن حسابنا كبير عند ربنا إنشاء الشهم الشه... و المستشفى الثانية هي اللي بتصرف عليها.

يقف أمام شباك، و ينظر للمستشفى التي في الجبهة المقابلة.

عمرو ديه تو أم ديه، الثانية أسعار ها حراقة حبتين، للقادرين، و الدكتور اللي هنا نص الأسبوع هناك النص الثاني. و ديه تصرف على ديه.

تنظر له أسماء في إنبهار.

يقتربون من مكتبه

عمرو دلوقتي بقى إنت تروح تشوف الماتش اللي شغال، و سيبني مع الحاجة أسماء لوحدنا، دكتور و عيانة، و يمكن أقنعها تتجوزني و أسبقك.

يضحك و تتوتر أسماء، يفتحلها الباب فتدخل.

شفيق ببتعد و ينظر المباراة.

م الدكتور مكتب الدكتور

يشاور الأسماء أن تجلس و يجلس أمامها.

عمر و أنا طبعا سمعت عن المأساة اللي حصلتك من أستاذ شفيق... دول دكاترة دول؟

> أسماء أنا عاذراهم.

عمر و و الله معاكي حق أهه دول ناتج النظام التعليمي كله، مش بس التعليمي النظام المختل ده كله.

تصمت أسماء



عمرو ع العموم إنت النهاردة هنا عشان أقولك إنك إعتبري العملية خلصت.

> أسماء بجد؟

عمرو و كمان أنا اللي هعملهالك بنفسي.

> أسماء و مين هيدفع حقها...

عمر و حقها خمسة جنيه، و هخدهم مقدم

> اسماء استاذ شفيق دفع حاجة؟

عمر و أقسملك بالله ما حصل، و أنا ما عايز غير الخمسة جنيه.

> اسماء إله يكرمك يا رب.

عمر و لا صدقي، هو ربنا كده، ما يديقها إلا لما يفرجها.

> أسماء و نعم بالله.

عمر و بس أنا عندي ليكي طلب و احد

> أسماء إتفضيل.

عمرو

المكان ده غرضه خير، و أنا عايز أتأكد إن الخير رايح لحد فعلا يستاهل الخير ده، عشان مانظلمش حد ثاني يستحق الخير ده. و أنا متأكد من حكمي اللي ما بيخيبش إنك أكثر واحدة تستحقي الخير ده، بس أنا بسألك ليطمئن قلبي.

أسماء أنا مش فاهمة يا دكتور، حضرتك فاكر إنى غنية و أقدر أدفع؟ عمر و اللي بنساعدهم مش بس اللي مش قادرين يا أسماء... و أنا عار ف إنك منهم بس عايز أسمعها منك.

> أسماء أنا و الله ما فاهمة.

عمر و طب أرجوكي ماتز عليش من السؤال ده... و أنا عارف رده.. بس عايز أسمعه منك.

> أسماء إتفضل.

عمرو إنت جالك المرض إز اي؟

تصدم أسماء بشدة، لم تكن تتوقع السؤال البتة.

عمر و أنا متاكد إنه أكيد نقل دم، أو من جوزك، بس أنا عايز أسمعها منك عشان أبقى متاكد من اللي بعمله.

اسماء أه، أنا فهمت حضرتك عايز تتأكد إني شريفة ... ممكن أنا أسأل حضرتك سؤال؟ الفلوس اللي بنيت بيه المستشفى ديه حلال و لا حرام؟

> عمر و يا ينتي ماتخديش الموضوع ب...

أسماء مش هتفتح بطني؟ إثبتلي إنك شريف إنت كمان.

تقف و تترك له المكتب في غضب. تخرج تجد شفيق، تنظر له و تغادر بسرعة فيتبعها بسرعة بعدم فهم.

غروب/خارجي

تحت المستشفى

يوقف شفيق أسماء أمام المستشفى

شفيق فهميني إيه اللي حصل بس؟

أسماء مش من حق أي حد إنه يسألني أنا جالي المرض إزاي؟



منفيق

إهدي بس، إهدي..

أسماء لأ مش ههدي..

شفيق يا أسماء إنت ليه بتحكمي دماغك كده؟ إنت مش عايزة تعيشي؟ مش عايزة تتعالجي و تربي بنتك و تشوفيها بتكبر؟

> أسماء ماحدش ليه دعوا المرض جالي إزاي. ماحدش يقوللي إثبتيلي إنك شريفة.

شفيق يا أسماء إنت كنت ممكن تقوليله أي حاجة ماكنش هيدور وراكي.

تصدم أسماء أكثر، الكلمة الأخيرة معناها أن هو نفسه نصب لها محكمة في عقلة و يشك في تاريخها... هنا تتركه و تغادر، يحاول مسكها.

> شفیق اِستنی بس..

أسماء (بصوت عالي) سيبني.

تتركه و تمشي في غضب...

تتألم و تبدأ الدنيا في التحول للشكل الضبابي في عنياها.

## قطع زمني

نهار / خارجي السوق

, ·

أسماء ترص رصتها و يأتي التاجر المعتاد.

التاجر ماترصيش. أنا واخدهم زي ما هم.

> أسماء أنا رجعت للسعر الأو لاني.

> > لتاجر



هو إيه، كل يوم بكلمة؟ أنا متفق مع ناس على طلبية و خدت عربونها.

أسماء و أنا قاتلك إتفق؟

التاجر طب معلش مشيها المرة ديه و المرة الجاية زودي زي ما إنت عايزة.

إنت عارف إنك خدتهم برخص التراب و مكلفني أكثر ما بعتهم و أنا أصلا ببيع بنص سعر السوق.

التاجر آدي أخرة اللي يمشي ورا النسوان.

شكر ايا عم الحاج...

CONV التاجر و الله لحر قلك لسجادك اللي إنت فرحانا بيه ده...

ميد اسماء (متجاهلة) ياللا السجاد الأصلي..

يقترب و يقلب نصبتها..

لا ترد أسماء.

و باللا مالكيش أكل عيش هنا...

يقف الناس و يقتربون منه، و يلتف حوله عدد من مساعديه.

التاجر اللي هيقرب مني هسيح دمه النهاردة... باللا يا بت من هنا.

تقترب منه أسماء، و تبصق على وجهه في وجهه مما يوقف الجميع مز هولين.

اسماء مش قلتلك ماتقوليش يا بت؟

ياللا يا بت ال....



ليل / داخلي

بيت أسماء و مسعد

أسماء جالسة لا تنطق، مسعد يدخل جاريا و يقف أمامها.

مسعد إيه اللي حصل؟

أسماء ماحصلش حاجة.

مسعد إنت تفيتي في وشه زي ما بيقولوا؟

اسماء هو ده اللي جاي تسالني عليه يا مسعد؟

تنظر له غير مصدقة أن هذا تعليقه.

Anna a

قولتلك بلاش السوق. قولتلك أقعدي في بيتك. أنا أستاهل الضرب ستين صرمة إني سيبتك يا أسماء.

يهم للمغادرة.

أسماء إنت رايح فين؟

لا يرد عليها و يغلق الباب خلفه بعنف.

نهار (مشارف الغروب) / خارجي

خ

السوق

يقترب مسعد من السوق، أسماء تمشي خلفه مهرولة.

اسماء استني يا مسعد

1



إرجعي الدار يا أسماء.

تمد خطواتها، و لكنه يمشى بسرعة.

يقترب مسعد من التاجر في مكانه في السوق، و يراه الجميع، و يقترب من التاجر مساعدينه.

التاجر شفت یا سبع؟ عایز تتضرب زی حرمتك إنت كمان؟

مسعد يدخل بسر عة و ينقض على الرجل بصفعة ثم لكمة تجعل الرجل يقع و يظل يضرب فيه بغل، و يلتف المساعدين حول مسعد و يدفعونه و يبدأون بضربه و يتدخل الجميع لفض الموقف، و منهم أسماء.

ينفض الشجار.

مسعد اللي هيقرب من الست ديه أو يتعرضلها في حتى كلمة ديه، هموته.

تحاول أسماء أن تجذبه و لكنه يدفعها، يتفقد أحدهم التاجر ، الذي لم يضع منطق، يجد أن الدم ينزل من رأسه بشده، يحاول إيقاظه.

> الرجل الحاج مات. الواد قتل الحاج.

> > الكل يصمت. و مسعد و أسماء أيضا، يصمنون.

نهار / خارجي

أمام السجن

يقف الجميع منتظر فتح الباب إلى أن يفتح و تدخل الجموع من الزائرين، بينهم أسماء.

نهار / داخلی

مكان الزيارة في السجن

تقف أسماء منتظرة، بين الجموع الغفيرة و الأصوات العالية، يأتي لها مسعد، في حالة رثة و يقف أمامها.

اسماء إزيك يا مسعد؟

لا يرد مسعد.

أسماء نا جبتلك أكل و سجاير.



لا يرد مسعد.

أسماه

ممكن ترد عليا؟ (صمت) سبلي طيب، قولي إنت السبب. (صمت) تف فوشي بس ماتفضلش ساكت كده.. حر ام عليك أنا ماتقفليش جفن من ساعت اللي حصل.

مسعد ماز ال صامتا. تبدأ عينا أسماء في التدميع.

مسعد ماتجیش ثانی یا أسماء.. لحد ما أخرج ماتجیش ثانی.

يتركها و تظل هي تتابعه بعيناها.

نهار /خارجي

أمام بيت أسماء

أسماء تقف أمام دار ها.. السجاد كله معلق، تأخذ دلو مليء بالبنزين و تكبه على السجاد، و تحاول إشعال الكبريت و لكنه لا يشتعل.. تبكي بشدة.. إلى أن يشتعل العود و ترميه على السجاد فيحترق... و يفاجنها صوت يس.

> يس أسماع

> > تنظر له.

یس بتعملی ایه؟

تنظر له أسماء و لا ترد.

يس إنت بتحرقي السجاد ليه يا أسماء، مش السجاد اللي دخله السجن...

تحاول مسخ دمو عها.

يس ماتعيطيش.. كلها كام سنة و يطلع، القاضي كان رهيف عليه... المهم لما يطلع هتعملي إية؟

> اسماء عايزني أعمل إيه؟

يس لو بتحبيه سيبيه، خليه يتجوز واحدة ثانية... تجيبله العيل اللي نفسه فيه و تنسيه اللي حصله.

تنظر له.. في غضب.

أسماء أنا هستناه و هفضل خدامة تحت رجليه، لحد ما هو اللي يقولي أسيبه...

پس

تبقى مابتحبيهوش و عايز اله الأذى... هو مش هايقولها... مسعد طيب و مش هنطلع من بقه.. ده ممكن يدفن نفسه بالحياة لو حد طلبها منه.

تفكر أسماء... يتقرب منها... يبدأ في التألم.

يس لو عندك دم سيبيه يعيش و كفاية اللي عملتيه فيه.

فتنظر إليه فيتركها ... و يهم بالمغادرة.

يس فتك بعافية.

يغادر و هي تنظر له. الحريق خلفها. و خلفها الأب الذي سمع كل شيء و يقف خلف الباب ينظر لها. دمعة أخرى تنزل من عين أسماء.

## قطع زمتي

نهار / داخلي

الجمعية

كمثل المشهد الذي في أول الفيلم، نرى الجمعية و مجموعة الدعم و لكن بشكل ضبابي مبهم.

الكل في مجموعة الدعم ينظر لفريدة التي تتكلم.

فر بده

بصبت لقيت ثلاثة (missed calls) من غير رقم، قلت أكيد مكالمة دولي.. قلبي دق قلت يمكن هو.. المهم حطيت الموبايل جمبي، و أنا نايمة خليته تحت ودني و دخلت بيه الحمام كمان.

يبتسم البعض.

فريدة لحد ما إتكلم ثاني و طلع هو.

يتأثر الكل.



## فريدة قالى يا ماما أنا جاي بعد ثلاث أسابيع.

يبتسمون جميعا مع ابتسامتها.

فريدة

من ساعتها و أنا بعمل shopping، و عارفة الإسبوع اللي جاي فيه من دلوقتي هبقى لابسة فيه كل يوم إيه، و بدأت دايت، و طبعا ماستحملتوش. أنا أعمل أي حاجة، إديني أدوية الدنيا كلها، بس ماتقوليش تاكلي إيه و ماتكليش إيه.

تنظر لها أسماء بتواصل و تأثر.

فريدة و أهه ناقص إسبوع.

ليل / داخلي

بيت فريدة

تخبط أسماء على باب شقة فريدة. فتفتح فريدة. ملينة بالعرق. من الواضح أنها كانت تفعل مجهود ما.

فريدة أسماء.. كويس إنك جيتي خشي.. تعالي ساعديني.

لیل / داخلی

المشهد

بيت فريدة (المطبخ)

تصنع فريدة أكل كثير جدا في المطبخ. في ضعف و وهن. و تساعدها أسماه..

فريدة

محمد إبني جاي بكرة من السعودية. و يمكن المرة ديه يحن عليا و يجيب عياله و مراته معاه. قوليلي. تحبي نحرمه من إيه و ناكله إحنا دلوقتي؟

اسماء

أنا كنت عايز اكي في خدمة. أنا عايزة فستان من عندك.

فريدة ايه عندك فرح ولا إيه؟

> أسماء حاجة زي كده



تمسك حلة كبيرة و تساعدها أسماء

فر ندة

بقولك إيه.. طلبك عندي.. أنا أي نعم فساتيني عريانين عليكي حبتين بس حاجة من تحت على حاجة من فوق هنتصرف.. قوليلي.. آخر مرة حطيتي فيها مكياج كان إمتى؟

المشهد ليل / داخلي

بيت فريدة (غرفة النوم)

في غرفة نوم فريدة تضع فريدة الأسماء المكياج. شكل أسماء به مختلف تماما. كأنها تضع المكياج لفرحها.. هذا غير الفستان الجميل..

> اسماء كفاية كده. ده أبويا كده هيموتني.

فريدة يموتك إيه؟ هو إنتي صغيرة؟ شفتي إنت زي القمر إزاي؟

> أسماء الله يكرمك.

فريدة الله يكرمني إيه و إنت بتشحتي؟ و الله العظيم تعاليلي كل يوم أمكيجك كده و هتلاقي العرسان عليكي زي الرز... تبتسم أسماء..

فريدة إستني أروح أشوف الكحل فين تقريبا في شنطتي..

تخرج فريدة.. و تنظر اسماء لنفسها في المرآة..

اسماء تعيتك معايان

أسماء تضع المكياج على نفسها، لأول مرة منذ عقود، لا تصدق أن هذه هي هي. تنظر لنفسها أكثر، كإنها تريد إكتشاف شيء ما..

بعد لحظة تسمع صوت وقوع شيء..

تخرج أسماء و هي تنادي على فريدة.

اسماء فريدة.. فريدة...



## قطع زمني

نهار / خارجي

أمام السجن

تنتظر أسماء أمام السجن وحيدة. تنتظر مسعد ليخرج لها. مسعد يخرج لها. تنظر له و ينظر لها. يقترب منها ببطىء.. يمشي جانبها و لا يتوقف لها البنه. تتعجب من ذلك. و بعد أن يمر يتكلم ببطئ.

مسعد باللا يا أسماء.

تنظر له غير مصدقة لهذه المقابلة الفاترة.

ليل / داخلي

بيت أسماء

أسماء تلف حول نفسها، مسعد داخل الحمام، نسمع صوت المياه المتدفقة، أسماء تقتر ب من الباب و تخبط عليه.

أسماء مسعد. إنت كويس؟

لا يرد مسعد. تخبط مرة أخرى. تحاول دفع الباب لا تستطيع فتحه و هي تنادي... إلى أن تأتي بشيء كبير و تدفع به الباب و تدخل، لتجد مسعد نانم على الأرض... تساعده على الوقوف، تكتشف أسماء بقعة دم كبيرة جدا، تكتشف أنه قطع شرايينه.

مسعد سيبيني...

أسماء إهدي يا مسعد إهدي.

يحاول دفعها و هي تجاول إحتضانه، مسعد في حالة يرثى لها.

نرى الدم يغطيها و يغطي يداها، يفقد الوعي و هي تحاول حمله، و تنادي له في حالة من الهيستريا.

أسماء يا مسعد... يا مسعد.



مسعد و أسماء على السرير، مسعد يعطي لها ظهره و هي مستلقية تنظر له من خلفه، نرى لفافة الشاش حول بنيه

لا يرد عليها.

هتفضيل ساكت كده؟

نامي يا أسماء.

أسماء طب أنا أعمل إيه عشان أريحك؟

تسكتي.

بذبها ... و .. تصمت أسماء... بعد لحظات من الصمت تحاول لمس يده فيجذبها... و يقف... و يغادر الغرفة و هو يقول لها كلمته الأخيرة.

مسعد إنت طالق يا أسماء.

تصدم مما قاله.

قطع زمتي

تهار / داخلی

الجمعية

فلاش باك لواحدة من جلسات مجموعة الدعم.

الكل يجلس و هادي وسطهم.



ينظرون لبعضهم البعض.

هادي

إن حد يشيل سرك ده علاج، إن حد مايبصلكش بصة وحشة ده علاج، ماحدش هيحس باللي جواك إلا اللي عايش مشكلتك زيك، و لو حد فيكم شايف نفسه أحسن من حد ثاني قاعد هذا، شايفه يستاهل اللي حصله.. يقول... يا إما يتفضل من غير مطرود.

يصمتون جميعا. بيتسم لهم هادي.

ليل / داخلي

مستشفى

يمشي هادي و شفيق في ردهات مستشفى و ينظر ان الأرقام الغرف إلا أن يجدا غرفة ما فيدخلاها.

يدخلان ليجدون الجميع في الغرفة. فيرحب بهم الكل..

شاکر ازیك یا دکتور؟

شفيق ينظر الأسماء نظرة سعيدة ثم يشيح بوجهه. فريدة على السرير.. يتضح عليها الإعياء..

هادي إزيك يا فريدة؟

فريدة تمام يا دكتور.. الدكتور قالي ممكن أريح النهاردة و أخرج بكره..

> هادي إيه اللي حصل؟

شاكر الراجل إداها دوا غلط، ماهتمش يتأكد إيه دواها عشان شايفه عقاب ربنا ليها با دكتور.

> هادي إهدا يا شاكر.

فريدة ماينفعش يا دكتور تكلم بتوع البرنامج دول يطلعوني أنا؟ إنشاالله لو بوشي زي ما كانوا عايزين يعملوا مع أسماء.. أنا عايز أطلع أفضح اللي بيحصلنا ده

> شاكر لأ يا فريدة. أنا اللي عايز أطلع. أنا خلاص مش طايق.



هادي

ماحدش هيطلع في حتة. ماتقلقوش. و كل ماشاكلكم هنتحل .. و لو ماحصلش إيقوا إعملوا اللي تعملوه.. إنتم يعني فاكرين إن لو حد طلع بوشه نص ساعة ع التليفزيون الناس مرة واحدة هتحبكوا و كل حاجة هتتحل؟

تنظر له أسماء.

هادي أسماء.. إيه الحلاوة ديه؟ إنت عندك فرح و لا إيه؟

تستعد بالرد. و لكن يأتي في التلفاز إعلان برنامج محسن السيسي.

الرجل في الإعلان إنتظرونا.. مع محسن السيسي .. لأول مرة يحاور مريض إيدز يقرر الكشف عن شخصيته و وجهه أمام الكامير ا.. ليكشف لنا أسراره و أسرار المرض.. إنتظرونا في المواعيد الآتية..

الكل ينظر الأسماء.. و الا تدري كيف ترد..

لیل / داخلی

-20

مبنى عمل محسن السيسي

يمشي هادي في الردهات إلى أن يسأل أحدهم.

هادي مكتب أستاذ محسن السيسي فين؟

> الرجل ثانى شمال. نقوله مين؟

يتتبع هادي الوصف بدون أن يرد على الرجل، إلى أن يجد أيتن في وجهه.

أيتن دكتور هادي؟

هادي استاذ محسن فين؟

لیل / داخلی

2

مكتب محسن السيسي

محسن السيسي يشاهد مقطع ليه و هو يسب في أحدهم على اليوتيوب، و يعيد كلمة واحدة من الأول.



## محسن السيسي يتحرق بجاز وسخ. أقول إيه؟!!

و يرجع ليعيد نفس الكلمة، واضح أنه يلوم نفسه بهذه الطريقة ... تدخل أيتن.

محسن

أنا مش مصدق تعليقات الناس، نصبهم فاكرنا في فرنسا و واضح إنه عمره ما نزل شارع شاف اللي بيحصل فيه، و النص الثاني لسة في عصر الكفار، بني أصنام و قاعد يعبدها من غير تفكير..

> أيتن دكتور هادي برا.

يقفل محسن اللاب توب بسرعة و يلم أشيائه، يخرج دفتر شبكاته و يبدأ في الكتابة الشيك و يضعه في جيبه.

محسن هادي مين؟

أيتن بتاع الجمعية.

محسن بتاع الإيدز.. طب أنا طالعله.

يخرج محسن و يجد هادي ... و يكمل مشيه و هو يكلمه فيقف هادي و يمشي معه.

محسن أستاذ هادي. إيه الأخبار؟ أسماء جاهزة؟ معلش إتفضل معايا عشان أنا لازم أنزل.

هادي إحنا مش هنسيبها تطلع على التليفزيون.. شوف حاجة ثانية تعرضها..

يطلب محسن الأسانسير بعدم إهتمام.

هادي إنت سامعني؟

محسن حاضر .. زي ما تحب..

يدخل الأسانسير و ينظر له هادي. و يدخل معه الأسانسير..

هادي شکر آ..

· Lucion



العفو.. أنا مقدر طبعا إن نظرة الناس أهم بكثير من العملية.. خليها تموت.. أقلك. خليهم كلهم يموتوا.. تعالى نجمع تبرعات و نبنيلهم مقابر ع النيل تشرح القلب.. أو أقلك نجيب شوية جاز و نرميه عليهم و نحرقهم بيه عشان يستريحوا.. المهم إنت تتبسط..

ينظر له هادي بغضب. و بعد لحظة من التفكير...

محسن

عارف لما راعي الغنم ما يقدرش على تأكيل الغنم بتوعه بيعمل إيه؟ بياخدهم الصحرا عشان مايلاقوش حاجة ياكو في المارف لما راعي الغنم ما ياكلو ها و يموتوا من الجوع..

يحاول هادي كبت غضبه و لكنه لا يستطيع، فيعطيه لكمة يقع محسن على أثرها على الأرض.

يفتح باب الأسانسير.. هادي يخرج.. و يصعق منتظرين الأسانسير فيدخلون ليسعفون محسن.

المشهد ليل / داخلي

المستشفى (غرفة فريدة)

الكل مجتمع حول أسماء يحاولون إقناعها.

فريدة إنت كده بتنتحري يا أسماء..

شاک

ماحدش هيقرب منك مش بعيد تبقي ماشية في حنتك تلاقي العيال بيحدفوكي بالطوب.

تضحك أسماءن

جمال شاکر مش بیهر ج یا أسماء.

أسماء

إنتم مكبرين الموضوع. كلها كام يوم و الناس تنسى، إنتم مش كنتم لسة هتقطعوا نفسكم عشان تطلعوا.

شاکر اِنت حاجة ثانية يا أسماء، الناس مش هتنسي طول ما هما خايفين منك...

أسماء زي ما قلت، أنا حاجة ثانية، صوابع الإيد مش زي بعضها.. أنا مش زيكوا.. أنا الوحيدة اللي ممكن تعمل كده.

> شاكر ليه بقى إنشاء الله؟

> > تصمت للحظة



اسماء أنا معنديش حاجة أخسر ها.

ينظر لها الجميع.

أسماء أنا لازم أمشى.

فريدة و بنتك يا أسماء؟

أسماء

أنا رايحة عشانها. يا إما هاسيبها لوحدها من غير حد ما يصرف عليها و ياخد باله منها. على القليلة لو طلعت في أمل أعمل العملية. في أمل إنها تسامحني. في أمل إن الناس تنسى. لحد ما أجوزها و أسلمها لراجل يحميها من بعدي..

شفيق أسماء عندها حق.

تنظر له غير مصدقة. و لا يتفوه أحد بكلمة. فيقترب منها شفيق.

شفیق تسمحیلی او صلك یا اسماء؟

تنظر له أسماء.

ليل / داخلي

شارع / سيارة شفيق / كوبري قصر النيل

أسماء مع شفيق في سيارته، أسماء سارحة في المارة، و في الزحام الرهيب، أم كلثوم تغني مرة أخرى في كاسيت السيارة.

> شفيق خايفة يا أسماء؟

> > لحظة صمت

أسماء كنت بتخاف من إيه و إنت صغير؟

> شفیق اشمعنی؟

اسماء و إحنا صغيرين كل واحد فينا كان بيخاف من حاجة، إنت كنت بتخ

www.zazedis.com

4

كنت بخاف من الحرامي... عشان كده كنت أخلى أخويا ينام ناحية الباب. عشان لو دخل الحرامي مايشوفنيش. تبتسمي

كنت بخاف من الظلمة.. و ماعرفش أنام إلا لو فيه نوز قايد.. و كان أبويا بيقولي ماتخافيش.. كان بيجيب الكاسيت و يشغل إذاعة أم كلثوم و يحطه جمبي، و ينام ع الأرض تحتي.. و كان بيقولي لما تكبري مش هاتخافي من الظلمة ثاني.

> شعور و لسة خايفة منها؟

دلوقتي لازم عشان أنام... تبقى الدنيا كحل... و لو في سرسوب نور تحت الباب يصحبني للصبح.

يبتسم... ترجع أسماء للسرحان في الناس، يمرون على كوبري قصر النيل، حيث الحبيبة كلهم مصطفين. كل مع فتاته. تنظر الإحداهن لتجدها حبيبة تقف في حضن الشاب الذي رأيناه في أول الفيلم (رمضان)

أسماء أقف على جنب... دلوقتي.. نزلني هنا.

السماء نزلني.

يقف مرتعبا، نجد أسماء تنزل، و تقترب في عصبية من حبيبة، لتراها في حضن الشاب و هو يداعبها، فتأتى بها من شعرها و من حجابها.

اتفضلي قدامي.

الولد يرتعب. كل المارة ينظرون للموقف. في فضول.



أسماء (بصراخ) قدامي..

رمضان في حالة من عدم السيطرة، لا يدري كيف يتصرف، يقف مكانه و تضرب أسماء بنتها و تضعها داخل سيارة شفيق.

شفیق إهدی یا أسماء.

أسماء ودينا البيت يا شفيق بعد إذنك. إستني.

تنزل أسماء مرة أخرى و تتجه لرمضان.

أسماء عار ف لو كلمت بنتى هعمل فيك إيه؟ هكلك بسنانى و أدفنك مكانك.

قالتها بكل طاقة التهديد التي من الممكن أن تخرج من بشر ، و تركت رمضان في صدمته و ركبت سيارة شفيق وسط بحلقة المارة في الموقف.

م ليل / داخلي

بيت أسماء

أسماء تدخل بيتها و هي ممسكة بيد حبيبة و تدفعها بقوة، و يأتي حسني على سماع صوت المشاجرة.

أسماء و اقفة بتتحضني يا بت؟ مش كفاية جايبالي الكلام من الي يسوا و اللي مايسواش. هي سمعتك ناقصة؟

> حبيبة و الله اتحضنت و لا ماتحضنتش، سمعتى مش هتبقى ناقصة.

أسماء تقومي تقفي على الكوبري قدام العالم كله قاعدة تتحضني؟ أمال لو كنتم لوحدكم كنتوا عملتوا إيه؟ يتدخل حسنى

> حسني إهدي يا أسماء إيه اللي حصل؟

حبيبة اللي حصل إن البت طُلعت الأمها...

تصعق أسماء من الكلمة.



#### Ams

و إنت كنت جايباني و إنتي بتصلي؟ ما إنت كنت مع راجل في عربيته، و إنت متأنتكة على الآخر كده، جايبة اللبس ده منين؟ و إشمعني عمري ما شفتك بيه؟ و لا هو يحرم عليا و إنت تعيشي حياتك.

حسني إسكتي يا حبيبة و خشي أو ضتك.

أسماء أنا عايشة حياتي؟ أنا عايشة حياتي و أنا بشيلها من بقي و أديهالك؟

حبيبة أبوة.. إديني كلمتين من اللي محفظنهم للأهالي.. مين أبويا يا ماما؟

تضدم أسماء

#### هبيت

ليه مابتحبيش تجيبي سيرته؟ ليه لما بسألك مات إزاي و سيبتي البلد ليه بتلغوشي؟ ليه لما أقلك مين عمامي و عايشين فين عمرك ما قلتي؟ ليه حطى حاجات عمري ما شفتها في دو لاب في الحمام مفتاحه في صدرك حتى و إنت نايمة؟ ليه مخبية الصورة ديه فيه و ليه مش عايزة توريهاتي؟

تخرج صورة أسماء مع مسعد

#### á m

ليه بتعيطي و إنت بتصلي؟ خشوع و لا عشان عملتي مصيبة عارفة إن ربنا مش هيسامحك عليها.

يقترب حسنى و يضرب حبيبة صفعة مدوية على وجهها.

حسني بعد كده لما تكلمي أمك تحتّر مي نفسك.

تنظر له حبيبة مدمعة و تجرى تاركة للبيت.

أسماء ماز الت مصبعوقة مما سمعته

## قطع زمني

ليل / خارجي

4

أمام بيت أسماء و مسعد

مسعد يخرج من المنزل و تخرج بعده بخطوتين أسماء، تجري خلفه و تمسكه من يده لتستوقفه.



اسماء

### يعنى إيه إنت طالق؟

يقف لأنها إعترضت طريقه.

أسماء و ماطلقتنیش و إنت جو الیه؟ لیه استنیت و خلتنی أستنی؟

مسعد أنا حرو إنت طالق، و من النهاردة مش عايز أشوف خلقتك ثاني.

> أسماء في ستين ألف داهية.

> > يغادر و لكنها تقف أمامه مرة أخرى.

أسماء

طب قولي ليه. لو عايز تطلقني طلقني بس أعرف ليه؟ عشان كنت عايزة أبقى بني أدم؟ و لا عشان أخوك قالك إتبلي عليا في حاجة؟ و لا عشان أنا السبب إنك قتلت الراجل؟

لا يرد مسعد

أسماء

مسعد، و حياة أغلى حاجة عندك تقوللي، يا إما و الله العظيم ثلاثة لروح أرمي نفسي على شريط القطر و يبقى ذنبي في رقبتك.

لا يرد تقترب منه.

أسماء أنا بحيك.

مسعد و أنا هموت.

تصدم من الكلمة

ليل / داخلي

4

غرفتهم

نفس الجلسة التي كانوا يجلسونها في أول يوم زواج، على طرف السرير، و لكن هذه المرة مسعد هو من يعاني.

----

مرض جالي جوا... قعدوا يعملولي تحاليل كثير لحد ما فهموا اللي عندي.



1 ....

يصمث مسعد

أسماء جالك إزاي يا مسعد؟

يدمع مسعد و يبدأ بالبكاء و ينفجر و يقوم و يتكلم بعصبية شديدة.

1224

مش مهم جالي إزاي.. المهم إنه مش هيروح، مالوش دوا و لا حكيم، هياكل فيا لحد ما يجيب أجلي، قالولي إنه زي عزر ائيل، حتى لو إتأخر.. جاي جاي.

> اسماء بعد الشر عليك.. و رحمة أبوك لا تسكت أنا خلاص مش قلارة.

> > يحاول تمالك نفسه

أسماء هو في حد فينا مش هيجيله عزرانيل يا مسعد؟

> مسعد أنا مش عايز أعديكي يا أسماء.

أسماء يا سلام؟ إشمعنى إنت يبقى عندك حاجة مش عندي؟ مش كفاية دخلت السجن لوحدك؟ كمان تشيل مرضك د ته ع

تتلمس يده، فيسحب يده بسر عة.

اسماء ماشي يا مسعد، حتى لو هعيش زي آختك يا مسعد مش هسيبك...

> مسعد انت مش فاهمه حاجة...

أسماء و مش عايزة أفهم. اللي فاهماه إني مش هسيبك حتى لو حطوا السكينة على رقابتي، و مش فارقة معايا. ينظر لها بعنيه المرقرقة بالدموع.

# قطع أزمنة



تحت بيت أسماء

شفيق في سيارته، متوتر، منتظر، تنزل حبيبة أمامه و هي تبكي بشدة و ينظر عليها الناس في الحارة، و لا يدري هو ما يفعل

لیل / داخلی بيت أسماء

تقع أسماء على الأرض، على ركبها، من شدة قسوة الكلام الذي سمعته للتو، ينزل أمامها الأب، يحتضنها بشده.

ليه يابا ماوقفتينش؟ ليه مالطشتنيش على وشي؟ ليه سببتني أعند؟

تدمع أعين أسماء.

حسني عشان كنتي هتركبي دماغك أكثر.

تبكى أسماء

اسماء هتبقی تدعیلی یابا؟

أنا على طول بدعيلك، بس إنت عارفة، ربنا أكيد واحد على خاطره منى شوية.

لأيابا. (توقف الدموع و تنظر له) هتبقى تدعيلى؟

حسني يفهم المعني.

إخرسي يا أسماء.. إنت هنعيشي.. لحد ما تدفينيني.. و لحد ما تجوزي بنتك و بنت بنتك.. و هنشوفي..

يا رينها كانت بالنية.

بنتك لازم تعرف، لازم تقوليلها.

إلا ديه. وحياتي عندك يابا ماتقولها، وحياة غلاوتي عندك.

يسمعون يد تخبط على الباب المفتوح، و يجدون رمضان يدخل في بطيء.

رمضان السلام عليكم.

تنظر له أسماء و حسني.

حسني و عليكم السلام.

> أسماء عايز إيه؟

رمضان عایز حضرتك في كلمتين.

ليل / خارجي

أمام بيت أسماء

ينزل شفيق من سيارته و يخرج منها و يطلع على السلالم

بل / داخلی

ييث أسماء

يدخل شفيق بعدما يطرق على الباب.

أسماه إتفضل يا شفيق.

يقترب شفيق من الثلاثة.

7

James

في ست الله يكرمها قابلتها النهاردة و وصيتها تدعيلي، و واضح إنها سلمت الأمانة و دعتلي دعوة من قلبها.. أعرفك.. رمضان.. خطيب حبيبة..

يقف الولد و يسلم عليه.

أسماء و ده شفيق. هيبقي في مقام والد حبيبة.

ينظر لها شفيق و هو لا يفهم شينا.. و يسلم عليه..



شفیق إحنا کده هنتأخر علی... (تقاطعه أسماء)

> أسماء خلاص يا شفيق. أنا نازلة أهه.

لا يفهم شفيق.. و ينظر لها و هي تنظر لرمضان الذي لا يفهم هو الأخر.

ليل / خارجي

أمام مبنى الاستوديو / سيارة شفيق

شفيق و أسماء في السيارة، وصلوا أمام الستوديو و منتظرين أمامه. في السيارة أغنية (انت عمري لأم كلثوم) صامتين.

> شفیق هتعملی ایه؟

اسماء هقوله يا تطلعني مضلمة يا هروح و يعمل اللي عايزه.

> شفیق متاکده؟

> > تصمت أسماء، بالطبع هي ليست متأكدة من أي شيء.

شفیق انت لیه ماکنتیش موافقة علیا یا أسماء.

dans

مش عارفة.. يمكن عشان ماكنتش مبسوطة إنك مختارني عشان اللي عندي و عندك، و عشان في ظرف هو اللي جامعنا سوا، و كنت بقول لنفسي.. لو ماكنش عندي اللي عندي كان ممكن واحد زيك يبقى عايز يتجوزني؟

شفیق طب و غیرتی رایك لیه؟

لا ترد أسماء.

شفيق أنا عايز أقولك على حاجة قبل ما تنزلي.. أنا ماجاليش بنقل الدم زي ما قلت.. أنا جالي عشان... (تقاطعه)

> اسماء شفيق أنا مش عايزة... (يقاطعها)

شقيق إسمعيني.. أنا مش قادر.. السر طابق على نفسي و عايز اطلعه.. أنا كنت بخون مراتي يا اسماء.. ح الفاضي و

> cilo www.zazedis.com

المليان، و أنا اللي جبتهولها. و ماتت هي منه و عشت أنا.

تصدم أسماء مما يقوله

أسماء أنا مش عايزة أسمع الكلام ده يا شفيق...

شفيق

أنا بقولهولك عشان تعرفي إنه مهما كانت الطريقة اللي جالك بيها أنا متأكد إنك أحسن مني و من عشرة زيي، و حتى لو كانت أوحش، من اللي شفته منك و اللي بتعمليه لبنتك و للي حوليكي، إنت اللي لو وافقتي عليا تبقي عملالي خدمة... لإن واحدة زيك وافقت تتجوز واحد زيي.

> اسماء إنت عارف أنا جالي إزاي؟

> > شفيق

و أيمانات الله ما فارقة معايا و لا عايز أعرف. و حياة بنتك ما تفتحي الموضوع ده ثاني. يالا خشي. و هتخرجي تلاقيني مستنيكي هنا. عشان لو ماعندكيش مانع، نروح لأول ماذون في طريقنا.

تصمت أسماء... و يبتسم لها هو.

لیل / داخلی

مكتب داخل الأستوديو

أسماء جالسة على كرسي و محسن السيسي يتحرك حولها في عصبية، و أيتن جالسة في موقف حيادي.

محسن السيسي

هي ديه مشكلتك و مشكلتنا كلنا، كل واحد مستني المهد المنتظر ، مستني الحكومة تيجي تخبطله على الباب تقوله شبيك لبيك، من غير ما يتحرك أو يواجه، ماحدش عايز يدفع ثمن أي حاجة.

أسماء صيامتة

أيتن إيه اللي حصل يا أسماء؟

3 53

محسن

اللي حصل إنها خافت، زي ما كل الناس خايفة، كل واحد يقولك إشمعنى أنا؟ و أنا مالي، هي ديه مشكلة كل المصريين، ماحدش عايز يقف في وش المدفع، عشان كده المدفع مش خايف و عارف إنه لو ضرب بدل ما يموت واحد هيموت ألف.

أسماء أنا و الله ما خايفة على نفسي.



#### أيتن أسماء إنت لازم تدافعي عن نفسك... لو عايزة نطلعك لازم تقنعينا.

محسن

لا أنا مش هقتنع بحاجة، إتفضلي، كلمي شوية فنانين يطلعوا معانا على الهوا، و شوفي ممكن نفيرك إيه نقوله... إتفضلي... ياللا

تتركهم أيتن.

محسن

لو فاكرة إنك ممكن تحطينا قدام الأمر الواقع عشان شوية بروموهات تبقي غلطانة، ماحدش بيشوف البرموهات، و أنا هطلع أز عقلي شويتين و أقول نكتتين و أتريق على كام وزير و هتعدي و لا حد هيفتكرك، ده ممكن يقولوا أحسن، ماكنتش ناقصاها كآبة.

> اسماء کثر خبر ك، ممكن امشى؟

محسن لا مش ممكن تمشى... إنت هنطلعي بوشك يا أسماء، و هتو اجهى.

أسماء لو كان عليا أنا أطلع عريانة، بس أنا مش عايشة ليا لوحدي.

> محسن و هي ديه مشكلتك.

> > تصبحت أسماء

محسن حل واحد مالوش ثاني... لو مش عايزة تطلعي بوشك. تقولي على الهوا جالك الإيدز إزاي.

تنظر له

أسماء يبقى تسيبنى أمشى.

يأتي بكرسي و يضعه أمامها بالظبط.

محسن السيسي مش ماشية. وادي قاعدة. يبقى يا تقنعيني يا أقنعك. مش عايزة تقولي ليه؟



م ليل / داخلي

#### بيت أسماء و مسعد

أسماء في بيتها، في غرفتها، تنظر للخارج، تشاهد شجار مسعد و يس أمام البيت، صوتهم عالي، الإثنان في حالة صحية مزرية.

#### James.

إنت أكيد المخدرات اللي بتشمها و بتحقنها في جتك لحستك، على جثتي يا يس، لو بعت شبر و احد من أرض أبوك هقتلك و أخش السجن فيك ثاني.

#### يس

تقتل مين و إنت عارف تصلب طولك؟ كل البلد عارفة إنك رجلك و القبر، و بعدين ليه؟ أنا ما خلفش، و إنت مش هتعرف تخلف، يعني لا عندك و لا عندي حد يكمل عليها بعدنا، و لا إنت عايز تكتبها للبرنسيسة بتاعتك؟ تلاقيها هي اللي جابتهولك و إنت اللي بتداري عليها بموضوع السجن ده.

مسعد يحاول أن يضربه و لكن يس يدفعه فيرتطم مسعد على الأرض في و هن، فتهرع أسماء للخارج.

أسماء ما تلم تفسك يا يس و...

يقطعها مسعد الذي وقف بصعوبة.

مسعد إخرسي يا أسماء.

تصيمت أسماء

مسعد خشی جو ا... خشی جو ا بقولك.

تطيعه أسماء يعد نظرة عنيدة منها و تدخل.

مسعد امشی یا پس

يس لو مش عايز تبيع، و هتقفلي فيها، مسير ها تجيلي يا مسعد.

يتركه مسعد و يدخل.



#### غرفة أسماء و مسعد

يدخل مسعد و يجلس على السرير و تجلس تحته أسماء. مسعد محبط، عيناه دامعتين.

مسعد بعد كده مالكيش صالح بخناقاتي معاه.

أسماء إنت ليه قاتله على اللي عندك؟

مسعد أهه يبقى عار ف إني هموت.

يشيح بوجهه. تقترب منه..

أسماه إنت مش هتموت، فاهم و لا لأ.

مسعد صيامت يشعر بالتوعك

أسماه بصلی یا مسعد.

تقترب منه أسماء.

اسماء مسعد..

تمسك وجهه و تجعله ينظر لها.

اسماء إنت مش هتموت.

كان يتمنى أن يصدقها.. يتو عك أكثر.

ليل / داخلي

بیت اسماء و مسعد

أسماء تفرد الغطاء على جسم مسعد المرتجف، و دكتور (مروان) يلم عدته و يكتب لها ورقة كروشته للأدوية بسرعة و يضعها لهم و يغادر.

تجده أسماء غادر فتذهب خلفه بسرعة.



أمام بيت أسماء و مسعد

تقترب أسماء من الدكتور و تعطيه بعض المال فيمتنع عن أخذها.

مروان مش هاخد. إنت لازم تروحي بيه الحميات. مش هتعرفي تستحمليه.

> أسماء رينا يقدرني.

مروان انت حللتی؟

أسماء تنظر له... يجمع شجاعة لقول الكلمة الأتية.

مروان لازم تحللي، المىلام عليكم.

يتركها مع أفكارها.

# قطع زمني

لیل / داخلی

مكتب محسن

محسن ينظر الأسماه بتحدي.

اسماء حتى لو دافعت عن نفسي... هتعرف منين إني مش بكتب؟

محسن أنا مستعد أصدقك ..

اسماء و هما مستعدين؟ و لو صدقوني و عالجوني مش ده معناها إن أي حد من زمايلي مايتعالجش إلا لو شريف و ملاك؟

محسن إنتي هتقوليلي كمان زمايلي؟ و إنت عايزة تفهميني يا أسماء، إنك مش هتقولي عشان زمايلك و فلسفتك ديه؟



اسماء

أنا لما كنت مابلاقيش الدوا و اللقمة كنت بلاقيهم جايبنهالي، الناس ديه لمت من بعض فلوس عشاني و كل واحد فيه اللي مكفيه، الناس ديه خافت عليا، الناس ديه عارفة سري اللي بنتي نفسها ماتعرفوش.

> محسن ده انتحار یا اسماء، عشان منطق اهبل مش هیعمل حاجة. هما طلبوا منك ده؟

> > أسماء هما ماطلبوش حاجة.. و أنا (يقاطعها)

> > > محسن يبقى ماتعمليش فيها بطلة.

> > > > claud

أنا مش بطلة يا أستاذ محسن، أنا واحدة كانت عايزة تاخد حقها... (لحظة صمت) بس إكتشفت إن مالهاش الحق ده.. و إنت عندك حق. ماحدش هيدي حد حاجة إلا لو خد قدامها حاجة...

ينظر لها محسن.

### قطع زمني

نهار / داخلی

مستشفى حكومي

تجلس أسماء وسط الناس المنتظرين، تتأملهم جميعا بألامهم المختلفة، و كيف كل منهم معه أحد يخفف عنه ألامه، يخرج الدكتور (مروان) لينادي.

مروان اسماء حسني

تنظر له أسماء و ينظر لها هو.


ليل / داخلي

غ ف

تحقن الحقنة في يد أسماء و تخرج ببعض الدماء.

ليل / خارجي

7





ليل / داخلي

**62** 

بیت مسعد و اسماء

تدخل أسماء بالورق، ينظر لها مسعد الجالس مرتجفا يأكل عشائه.

مسعد کنت فین؟

اسماء أنا حللت.

يقع منها الملف، ينظر لها بتألم.

يقترب منها. ينظر لها، تبكي أكثر.

يحتضنها. تحتضنه هي الأخرى و تلف يديها حول جسده لتعانقه بشدة.

## قطع زمني

ليل / داخلي

7

امام مكتب محمن

يقف أيتن و المخرج و الكل منتظر خروج محسن، و عندما يخرج يتجه في طريقة و لا ينظر لهم.

محسن إتفضلوا طلعو ها.

المخرج بوشها و لا مضلمة.

محسن إسالو ها، أعملوا اللي هي عايز اه

تبتسم أيتن، و تخرج لها أسماء

أيتن جاهزة؟

أسماء لا تدري إجابة هذا الرد.



أسماء تبدأ بالشعور بالتوعك، بوادر نوبة مرض جديدة.

#### أسماء ثانية و احدة.

م حمام

تدخل أسماء الحمام بسرعة، تتألم، تنظر لنفسها في المرآة، تنظر لوجهها جليا، تحاول السيطرة على نفسها.. لا تستطيع..

تخرج أسماء من شنطتها الحقنة، و تبدأ في تجهيز الحقنة. و قبل أن تغرز ها في جسمها، تتوقف.

تنظر لنفسها في المرآة مرة أخرى.

تحاول أن تهدىء من رو عها..

تهدا

تأخذ الحقنة و القارورة و ترميهم في الزبالة.

تغسل وجهها و تنظر لنفسها مرة أخيرة. بعد أن قررت أن تصبح أقوى.

## يبدأ فوتمونتاج مع تترات بداية البرنامج

م ليل / داخلي بيت أسماء

الأب يجلس على الكنبة، يفتح زجاجة بيرة، و يفتح التلفاز، و يقلب إلى أن يأتي بالقناة.

التترات أمامه

م ليل / داخلي

غرفة فريدة في المستشفى

الكل يشاهد تترات البرنامج، و يدخل عليهم هادي، متعصبا، يشرب سيجارة و الكل ينظرون له.



أسماء تدخل على الأستوديو منبهرة بكمية الإضائات.

الكل يتحضر لبداية البرنامج، أيتن تأخذ شفيق و تجلسه على كرسي ليشاهد الموقف من خلف الكاميرات.

ينظر الأسماء التي تجلس مكانها في البرنامج..

يقوم أحد القائمين على الميكياج بمحاولة تغطية جرح محسن في أنفه، و لكن محسن يقول له أن يتوقف.

عمال الإضائة ينيرون الأضواء. يتحركون، أسماء تراهم كخيالات، من الجلى إن النوبة تعاندها.

م ليل / داخلي قهوة

في القهوة الواقعة في حارة أسماء، الكل مهتم بما هو مهتم به و البرنامج ببدأ، البعض يدخن الشيشة و البعض يلعب الطاولة.

ليل / خارجي شارع

حبيبة تمشي في الشارع، سرحانة في يومها، تمر على محل أجهزة كهربائية فيه العديد من التلفازات التي تعرض تترات البرنامج.

م بیت رجب بیت رجب

في بيت رجب صاحب العقار، زوجته تضع الأكل أمام طاولة التلفاز، و هو ينظر من الشباك على حبيبة التي تدخل العمارة و وجهه متأفف.

م ليل / داخلي يبت أسماء

تدخل حبيبة المنزل، تنظر لجدها ثم تدخل غرفتها، جدها لا يكلمها، يشاهد البرنامج في صمت.

م بیت محمن بیت محمن

نبيلة جالسة مع الكثير من الأصدقاء يأكلون و نبيلة تعزم عليهم و في الخلفية التلفاز يعرض التينرات و كلهم غير

مهتمين.

#### أحدهم البرنامج بناع محسن. على يا نبيلة.

نبيلة مش عارفة الريموت راح فين.. ماحدش عايز شوربة؟

يمد الرجل بطبقه

ليل / داخلي

غرفة الكونترول

المخرج يستعد، يكلم محسن في السماعة.

المخرج ٥ ئواني على الهوا.

الكل يتحضر.

4

ليل / داخلي

البرنامج

يفتتح البرنامج على محسن السيسي الذي ينظر الكاميرا و يتكلم، (نقطع دائما مع ردود أفعال المشاهدين الذين نعلمهم) أسماء لم تظهر بعد.

محسر

السلام عليكم و رحمة الله، أعزائي المشاهدين، النهاردة حلقتنا ليها يمكن طابع خاص شوية، و من المرات القليلة اللي هنمسك فيها موضوع و احد و حالة واحدة بس، لأهمية الموضوع ... الموضوع هو الإيدز .. قبل ما تقلبوا القناة، و قلبكوا ينقبض، الحالة اللي معيا مش مكتبة على قد ما هي مبهرة، لإنها من الناس القليلة قوي اللي في مجتمعنا اللي عايزة تاخد حقها اللي تستحقه مية في المية، هنروح لفاصل. خليكوا معانا... لو عايزين.

ندخل على الفاصل.

#### قطع زمني

لیل / داخلی

غرفة مسعد و اسماء

اثمان على السرير ينظر إن العضيور في صوت بداعت شعر هاء لأول مرة بلوسوا ونذسر

7

12 cilo www.zazedis.com

أسماء لما الدكتور قالهالي معرفتش أزعل و لا أفرح.

> مسعد تفرحي؟

أسماء أفرح لإننا إتجوزنا من أول و جديد.

> مسعد إنت متخلفة يا أسماء.

> > تحاول الإبتسام.

أسماء تعالى نخلف يا مسعد.

مسعد و نجیب واد عشان نموته؟

اسماء الدكتور قالي لو خدت بالي مايجيلوش..

> مسعد ر نجیبه یتیم؟

اسماء لو إنت ناوي تموت يا مسعد أنا مش ناوية.

> مسعد ماهي مش بالنية يا أسماء.

. . .

حتى لو، عمه هيربيه يا مسعد، مهما كان قاسي مش هيقسى على اليتيم إبن أخوه.. هيديه أرضه و أرضك. اللي بيخلف مابيمتش يا مسعد.

يصبعث عسعني

أسماء تعالى نسيبها على ربنا. و نشوف هو عايز يعمل بينا إيه. هتبقى أحن عليه من ربك؟.. لو بتحبني خلينا نحاول. يقتربان ليقبلان بعضهم.. نقطع قبل القبلة مباشرة.



ليل / داخلي

أستوديو البرنامج

محسن السيسي يتكلم للكاميرا.

محسن السيسي مشاهدينا الأعزاء رجعنالكوا من ثاني و مع ضيفتنا اللي على عكس ما وعدناكم تماما مش هنقول إسمها و مش هنشوف وشها.

أسماء مظلمة. الصوت في أذنها مكبر و غريب، تحاول التغلب على توعكها.

ليل / داخلي

بيت أسماء

الأب يشاهد، بدون رد فعل و لكنه محبط

محسن السيسي في التلفاز ليه رجعتي في كلامك قبل البرنامج على طول؟

تصمت أسماء

محسن أعتقد بعد ما وعدتي المشاهدين، و رجعتي في كلامك لازم تفهميهم ليه وافقتي و ليه رجعتي في كلامك.

ليل / داخلي

الأستونيو

شفيق ينظر لها.

اسماء ظروف.

محسن و الظروف ديه اسة حاصلة النهار دة؟

> أسماء آھ

حمين السيسي في الثلفاز



2

مش شايفة إنك لازم تظهري و توري الناس وشك عشان يعرفوا إن شكلك شبه شكلهم، لا إنتي بثلث ودان و لا عين واحدة.

لیل / داخلی

غرفة المستشفى

الكل يرتاح و يتنفس الصعداه، حيث أنها ظهرت مظلمة.

فريدة الحمد ش

كان نفسى، بس في ظروف عائلية و ناس أنا عايشة معاهم مش عايز اهم يتأذوا.

محسن السيسي في التلفاز فهمي السادة المشاهدين، إيه يعني اللي هيحصل لما تطلُّعي بوشك، هتتأذي إنت و اللي حوليكي إزاي يعني؟

لیل / داخلی

بيت صاحب المنزل.

ينظر رجب لهاتفه المحمول يحاول أن يتكلم فيه، يكلم أسماء التي أمامه في التلفاز و هو لا يعلم.

ينكم بـ رجب هاكلمها تشوف حل في الحال المايل ده.

زوجته مهتمة بالبرنامج.

سمعتنا ممكن تتأذى، ممكن...

و إيه المشكلة في سمعتك لو عندك الإيدز يعنى؟ الناس هتخاف تتعدى منك مثلا.

رجب يحاول مع الهاتف.

ليل / داخلي

ستشفى (غرفة فريدة)

الزملاء يشاهدون في إهتمام.

أه. و غير كده هيفكروا إنه أكيد جالي بطريقة مش و لا بد.

محسن طب ما تقوليلهم جالك إزاي.

> أسماء مش هينفع..

محسن مش هينفع ليه؟

أسماء عشان إحنا من حقنا نتعالج و نعيش حتى لو جالنا بأي طريقة.

محسن مين يا اللي فهمك إيه حقك و إيه مش حقك؟ ديه أفكار ك إنت و لا أفكار مين؟

> أسماء هم في الجمعية اللي بتساعدنا قالولنا و فهمونا.

محسن و إنت بتقولي اللي هم قالولك، بتسمعيه زي ما هو حتى لو ممكن يموتك؟

> أسماء أنا مقتنعة

محمن السيسي في التلفاز حتى و لو يا أسماء، سمعتك هتبقى في التراب، مقتنعة إن سمعتك أهم و الاحياتك و صحتك أهم؟

> أسماء السمعة ساعات بتبقى أهم..

ليل /داخلي

خ

القهوة

الناس غير مهتمة بالبرنامج بإستثناء شخص وحيد يدخن شيشته بمفرده.

محسن السيسي في الثلفاز السمعة أهم؟ ليه؟ السمعة هتموتك؟ ما في ناس سمعتها في الأرض و عايشين و لا هاممهم.

أسماء ديه الناس المستريحة، واحدة زيى مين هيشتغل جميها وهي عندها الإيدز؟ مين هيتجوز بنت واحدة عندها الإيدز؟



م ليل / داخلي

الأستوديو

محسن يتكلم معها.

محسن

طب ما هو ده مش هيتغير طول ما إنت خايفة و مضلمة، و طول ما هما كل ما يفتحوا التايفزيون يلاقوا شبح إسود قاعد قدامهم بيقولهم أنا عندي الأيدز.

لا ترد أسماء.

محسن

قوليلي .. أنا فهمت إنك بتقولي إيدز عشان تسهليها للناس، بس إنت حاملة لفيرس الإنش آي في، يعني لسة مادخلتيش مرحلة الإيدز، يعني الإيدز مش مشكلة عندك و متعايشة تماما معاه و بتاخدي الدوا و كله تمام.. بس عندك حصوة في المرارة و مافيش دكتور مستعد يعملهالك.

ليل / داخلي

الأب يشاهد في صمت.

اسماء هم الدكاترة خايفين.

محسن خايفين ليه؟ مش هم دكاترة و عارفين إنه لا يمكن يتنقل من العملية؟ ماحولتيش تفهميهم؟

> أسماء أنا اللي هفهم الدكاترة؟

محسن عندك حق، الخوف غلب العلم؟

لا ترد أسماء

في الداخل حبيبة في غرفتها.. نائمة على سريرها تفكر.. تنظر لصورة لأمها و هي صغيرة ملصقة على الحائط أمامها



محسن السيسى يكلم الشاشة.

محسن و ناخد أول إتصال هاتفي.. ألو، هناه من الروضة..

> هناء مساء الخير يا محسن..

محسن مساء الخير يا أفندم.

ليل / داخلي

بيت مديرة أسماء في المطار

مديرة أسماء تنظر للتلفاز، أو لادها يلعبون حولها. تشبه على أسماء من صوتها.

هناء أنا شايفة يا محسن إن المشكلة بضراحة مش كبيرة خالص.. إيه المشكلة لما تبين وشها و تشتكي و ترفع قضية.

محسن شكر ا هناء، هناء طبعا إيدها في المية الساقعة.. بس يا أفندم هي راحت النهاردة الشغل قالتلهم أنا عندي إيدز كل زمايلها رفضوا يشتغلوا طول ما هي موجودة... معانا عبد العزيز من حلمية الزتون..

المديرة تعلم أنها أسماء... تعلى التلفاز.

اليل / داخلي

المستشفي

الزمايل و هادي يشاهدون البرنامج.

عبد العزيز (في الثلفاز) يا أستاذ محسن أنا مبسوط جدا بمجهوداتك في موضوع الصحة ده... بس ديه أقلية جدا.. في كام واحد في مصر عنده إيدز؟

> محسن إنت عارف؟

عبد العزيز بحكم إننا بلد إسلامية و عندنا تقاليدنا العدد أكيد قليل قوى..



محسن

أو لا يا أستاذ عبد العزيز الموضوع ماعدش ليه دعوة بالتقاليد و بالعكس ممكن ينتشر في بلد عندها تقاليد بس فيها جهل أسرع ما ينتشر في بلد مافهاش أخلاق بس فيها وعي، و باريت يا عبد العزيز تسال و تعرف، و تعرف إن العدد اللي هتلاقيه في أضعاف غيره عندهم و مش عارفين أو مش قايلين.

عبد العزيز الكلام ده في بلاد بره اللي عندهم شذوذ و جنس مفتوح على البحري..

محسن على فكرة.. إحنا عندنا كل الكلام ده، بس يمكن مفتوح على القبلي.. شكرا عبد العزيز.. حسين من إسكندرية.

اليل / ذاخلي

القهوة

أحد الجالسين يتأفأف و هو يلعب طاولة.

الزيون يا عم إقلب شوفانا ماتش و لا فيلم أجنبي بدل الكآبة ديه.

يجلس أمامه المكوجي الذي رايناه في أول الفيلم، و هناك هذا الشخص المهتم الوحيد يتابع بشغف.

الشخص يا عم سيب، نشوف الرعب ده، إحنا ناقصين إيدر كمان!

حسين (في التلفاز) أنا يا أستاذ محسن بحاول أكلمك كل يوم.. حضر تك أنا شاعر غنائي..

> محسن شکر احسین.

> > أسماء تتوتر

محسن فادي من الهرم..

فادي مساء الخير يا محسن، أنا مع الأستاذ عبد العزيز، اللي أولى بالحلقة ديه الناس اللي عندها سرطان أو الناس اللي بتموت من البنج كل يوم..

> محسن و دول مش أولى ليه؟

فادي أنا ماعرفش بس أنا فعلا شايف إن ده مرض بيتنقل بطرق غير سليمة.

#### محسن فحتى لو جالهم كده، يستاهلوا هما يعنى؟

فادي مايستاهلوش المرض طبعا، بس مايستهلوش برضه نحرق دمنا عليهم.

> محسن شكر ا يا فادي... إيه رأيك يا أسماء؟

> > أسماء لا ترد.

3

ليل / داخلي

بیت محسن

الكل يأكل و لكن نبيلة تنظر للتلفاز و تبدأ بالإهتمام بالبرنامج.

محسن إنت تستاهلي مرضك يا أسماء؟

## قطع زمني

نهار (وقت الغروب) / خارجي

الأرض الزراعية

في نفس الأرض التي كانا يتغاز لان فيها، تمشي أسماء و مسعد يتسند عليها، و ينامون على الأرض سويا. يتحسس مسعد بطن أسماء.

> أسماء هنسميه إيه؟

مسعد سميه إنتي..

أسماه طول عمرك نفسك تخلف و مش عارف هتسميه ايه؟

مسعد هنفرق في ايه الأسامي يا أسماء؟.. ما أنا إسمى مسعد.



يبتسم في حسرة. تتألم

أسماء هسميه محب عثبان يفضل يحبنا طول عمره.

مسعف

ماتقوليلوش يا أسماء .. ماتخليهوش يعرف باي طريقة، و قوليله إن أبوه كان بيحبه ..

أسماء ماتخافش يا مسعد.. ماتخافش.

يبتسم لها و يغمض عينه في ألم. و تقع الدمعة من عينها. تغرب الشمس

ليل / داخلي

بيت أسماء و مسعد

أسماء في بيتها جالسة، مرتدية الأسود، في عالم آخر، لا تشعر بما حولها، العزاء حولها خالي، و صوت القرآن لا يستمع له أحدا.

يجلس يس جانبها.

يس ماحدش جه؟ ... أنا هبعتلك حد يشوف طلباتك كل يوم.

لا ترد.

يسرن

ماحدش جه. كلهم خايفين. مش هتقدري تعيشي وسط الناس ديه ثاني يا أسماء. إنت هتفضلي معانا لحد ما تخلفي. لواد هنسيبه. و لو بنت تاخديها معاكي.

تنظر له أسماء.

يس

الناس مافيش حاجة على لسانها غيرك. و ماحدش فيهم عارف مين اللي جابوا للثاني.. و أنا مش عايز ابن أخويا يتربا راسه في التراب.

أسماء لا تصدق منطقه

يس لو خايفة على إسم جوزك اللي عمل البدع عشانك إمشى.. إمشى يا أسماء.

يتركها و يغادر.



ليل / داخلي

hs

البرنامج

أسماء صامتة، ينظر لها شفيق في تعاطف.

محسن معانا الشيخ محمد عتمان.. إزيك يا شيخنا؟

> عتمان السلام عليكم.

محسن ایه ر أیك یا شیخنا؟

اسماء تنظر لشقيق

عتمان العلاج يا محسن من حق أي بني آدم مهما أخطأ...

محسن و إيه رأيك يا شيخنا في حكم الناس على مريض الإيدز إنه أكيد خطاء؟

> عتمان حتى لو أخطأ نساعده.

محسن أيوة بس ليه نحكم عليه إنه أخطأ.

صمت

لیل / داخلی

غرفة فريدة

الكل ينظر و هو متعصب من الكلام

عنمان يا سيدي حتى لو أخطأ نساعده.

1 1000



4

برضه؟ .. ماهو ممكن يكون ما أخطأش أصلا.

هادي يشرب السيجارة بعصبية.

عتمان

يا أستاذ محسن، ده لو إنت في حرب، و شفت عدوك، اللي لسة قاتل أخوك، جريح أعزل، مايجوز لكش تموته، و واجب عليك تاخده تعالجه و ماتسيبوش يموت.

محسن يسلم فمك

هادي ايو ة كده.

#### قطع زمني

لیل / داخلی

غرفة في مستشفى

أسماء تولد، تعانى، تصرخ، يخرج الطفل، يعطوه لها. أسماء تنظر له إلى أن تكتشف أنها تنظر لها.

الممرضة بنت زي القمر.

تبتسم أسماء، و تبكي في نفس الوقت، تداعب طفلتها الرضيعة، و هي لا تعلم إن كانت سعيدة أم حزينة.

نهار / داخلی

عيادة

الدكتور يقترب من أسماء و يجلس أمامها، طفلتها تحملها على صدر ها، و هي ترتدي الإسود وواضح عليها علامات الهلاك. تلف رضيعتها ببطانية صغيرة.

اسماه ایه یا ذکتور؟

الدكتور لا يرد..

اسماء قولي إله يكرمك أنا مش ناقصة...



الدكتور

إنت إيجابية و هي مطبية.

يعنى إيه؟ مين فينا اللي عيان؟

يجمع الدكتور شجاعته.

إنت عيانة و هي سليمة.

أسماء في تضارب مشاعر رهيب، تبكي من الفرحة، لا يدري الدكتور إن كانت فرحة أم سعيدة، هي في قمة سعادتها أن بنتها سليمة و في قمة حزنها أنها من الممكن أن لا تحيى إلى أن تربيها.

> June الحمد شن الحمد شي

> > لا يفهم الدكتور لماذا تشكر ربها.

### قطع زمني

تذهب حبيبة لتجلس مع الجد.

7

بيت أسماء

الجد شسشي

يعلي من صوت التلفاز.

أسماء (في التلفاز) ماحدش فاهم إن مريض الإيدر ده، زيه زي أي مريض، كإنه عنده السكر أو الضغط، مرض زي أي مرض، أنا عايشة مع أهلي عشرين سنة ماعدتش أي حد فيهم,

تركز حبيبة مع التلفاز، تكاد تعلم أن هذا صوت أمها.



محسن معانا السيد المسؤول.. إتفضل يا أفندم.

> الوكيل مساء الخير.

ليل / داخلي

بيث أسماء

الجد يشاهد و حبيبة تشاهد

الجد شفتی الست دیه؟ عیانه و بتموت و ماحدش عایز یساعدها.

محسن إيه رأيك يا أفندم إن مافيش نكاترة عايزين يعملولها العملية.

الوكيل طبعا ده شيء غير إنساني و غير رحيم و أنا رأيي إنها تيجي تقدم شكوى و إحنا هنبحثها.

محسن دلوقتي يا أفندم هي تخاف يتعرف شخصيتها و الموضوع بلبدي يتسيح، ممكن تجيلك بكرة شخصيا و تساعدها.

> الوكيل يا محسن لازم الموضوع يمشي رسمي.

أسماء أنا مقدرش أمشى رسمي.. أمال أنا طالعة مضلمة ليه؟

تتظ حسة

حبيبة مين ديه؟

ينظر لها الجد. تقف حبيبة أمام التلفزيون.

حبيبة مين ديه؟



ليل / داخلي

المستوصف

نرى نفس المشاهد التي شاهدناها من قبل، عندما كانت أسماء تحلل. الدكتور مروان ينادي.

مروان أسماء حسني.

تنظر له أسماء.

داخل الغرفة يأخذون الدم

أسماء في المستوصف تجلس في غرفة بمفردها، يأتي مروان و يجلس جانبها، هذا هو تكملة ما لم نره من قبل.

مروان زي الفل.

تحبط اسماء

مروان مالك؟

أسماء هو أنا لو جبتله الواد لازم يجيلنا؟

> مروان إنت بنتكلمي بجد؟

أسماء أنا لو مات من غير ما أجيبله الواد هموت نفسي وراه.

مروان ما فستين داهية الواد، هيعملكوا إيه الواد؟

أسماء هو عاش عشان يجيبه، و أنا عايشه عشانه.

يصمت مروان,

أسماه قوللي يا دكتور رد عليا و حياة النبي.



# مروان حتى لو إحتمال إنه يجيلك قليل بس برضه موجود.

#### أسماء المهم العيل.. ممكن نجيبه من غير ما يجيله؟

مروان لو خدتي بالك مايجيلوش.

تنظر له بأمل.

ليل /خارجي

طريق مؤدي لبيت أسماء

المشهد الذي رأيناه من قبل. و لكن قبل أن يبدأ، لم تكد أسماء تبكي، و هاهي تصطنع البكاء الذي رأيناه.

ليل / داخلي

بيت أسما

تدخل أسماء لتجد زوجها، ترمي الورق.

أسماء أنا حللت.

لیل / داخلی

غرفة أسماء و مسعد

اسماء و مسعد يقتربان من بعضمهم ليقبلان بعضهم

قطع زمني

لیل / داخلی

بيت أسماء

تقف حسة اماء حدها

الجد کدبت علیه، و نامت معاه و هی سلیمة.. عشان تجیبك..



\_\_\_\_\_

,

حبيبة

بس ديه أنانية. تجيب لنفسها المرض و تجيبني عشان تعذبني من غير أب؟ و في الظروف زي الزفت ديه؟

الجد هي برضه اللي عذبتك؟ إو عي إو عي.. خليني أتفر ج.

تبتعد، و هي تفكر.. و هي تنظر الأمها في التلفاز.

ليل / داخلي

الأستوديو

محسن مازال يكلم وكيل الوزارة.

محسن و حتى لو مشيت رسمي، ما هو الرسمي ده هيموتها.

الوكيل و أنا في نفس الوقت ماقدرش أغصب على دكتور يعمل عملية غصب عنه.

> محسن يعنى إنت لو أمرته هيقلك لا؟

> > الو كيل

يا إما هيقول مابعرفش أعملها و ساعتها ماقدرش أجبره يا إما هيقول إن رأيه المهني إنها مش محتاجة عملية و قانونيا برضه ماقدرش أجبره

محسن

يا عيني ع القانوني. حبكت قانوني و مش قانوني دلوقتي؟ ما هو لو مش عارف مين باشا و مش عارف مين بيه لو جه بتمشوله الواقف، و لا القانون بيمشي على الغلابة بس؟

> الوكيل حضر تك عايز ني مامشيش قانو ني؟

> > أيتن تكلمه من غرفه التحكم.

أيتن قوله إعمالها إنت، الراجل ده نفسه جراح باطنة.

محسن طب بما إن حضرتك دكتور باطنة و جراح، ما حضرتك تعملهالها إنت يا أفندم.

> الوكيل حضرتك أنا بقالي فترة موقف عمليات والله و..



1 1

أيوة إرجع مش مشكلة.

لوكيل نعم؟

محسن ارجع حضرتك للعمليات مش مشكلة و إعملها العملية يا فندم.

لا يزد الرجل.

محسن ألو؟ واضح إن الراجل جائله أزمة قلبية و إضطر يقفل. على العموم بنشكر ه.

ينظر محسن الأسماء.

محسن

واضح يا أسماء إن برضه الحل الوحيد هو المواجهة. تكشفي وشك و اللي يحصل يحصل، و تقدمي شكوى و قضية. و إنشاء الله في غضون سبعة و ثلاثين سنة يتحكملك.

تصمت أسماء.. و يخجل هو من كلامه لها.

بعض لقطات من المشهد القادم تتخيلها أسماء مع نوبتها، و هي فوق كارتة و الناس كلهم ينظرون لها.

محسن معانا أخر تليفون.. حد مش هيقول إسمه.. ألو.

حبيبة الو

محسن إتفضلي.

حبيبة

أنا بنت الست اللي قاعدة قدامك ديه... أنا عايز أقول إن الست ديه بطلة.. و أنا مش مصدقة إن ليا أم زيها. تفيق أسماء على سماع هذا.

محسن

انت فين من الصبح طيب يا شيخة. دلوقتي الست البطلة ديه، لازم تقدم شكاوي و ترفع قضايا عشان تعمل العملية قبل ما يفوت الوقت، و هي مش عايزة تعمل ده عشانك... تقوليلها إيه؟

صمت.

لا ترد حبيبة..



محسن ألو ... ألو ..

> حبيية أيوة.

محسن قولتي إيه؟ تقوليلها إيه و هي راكبة دماغها تفضل مضلمة كده؟

> حبيبة ما هو ماينفعش برضة، الناس هيصلها إزاي؟

> > يصدم محسن ... تصدم أسماء.

محسن الناس؟ شكر ا..

ينظر محسن الأسماء واللشاشة غير مصدق

محسن نروح لفاصل.

# قطع زمتي

البلد

في شوارع البلدة تمشي كارته، تحمل أسماء و الجد و الطفلة الرضيعة بعز الهم.

يمرون على بعض الناس من أهالي القرية، عندما يروهم، يتركون ما في يدهم، و ينظرون لهم.

أسماء لا تبالي، لا تنظر لهم.

يمرون على أماكن بها ناس أكثر، الكل ينظر، ينظر بعدم فهم، أو بحكم، أو بكره

المنظر كابوسي. أسماء لا تستطيع أن تتنفس و هي تشعر بأعينهم تأكلها.

## قطع زمني



يحضرون قبل العودة من الفاصل.

محسن أنا هبقى أديكي دقيقتين تختمي بيهم يا أسماء.

> أسماء نورني يا أستاذ محسن.

> > محسن إيه؟

أسماه خليهم ينوروني.

> محسن لیه

المخرج نص دقيقة على الهوا.

محسن إنت عارفة الست بتاعة الجزاير حصلها إيه؟

> أسماء مش فارقة معايا أعرف

> > محسن بلاش یا أسماء..

أسماء لازم حد يقف في وش المدفع يا أستاذ محسن.

> المخرج ١٥ ثانية.

ليل / داخلي

المشهد

ست أسماء

حبيبة تشاهد و جدها معها. محسن للكاميرا.



1

و معانا مفاجأة. في الفاصل، قررت السيدة اللي قدامنا ديه تغير من رأيها، عشان يبقى عندنا سبق كبرنامجنا. الكامير ا تظهر وجه أسماء..

> محسن و ده أول ظهور لسيدة مصرية عندها الإيدز في التلفزيون..

> > تصدم حبيبة

ليل / ذاخلي

القهوة

الرجل المهتم يفاجاً، يقف.

الرجل الحقوا يا جدعان.. أسماء بنت عم حسني..

الكل يبدأ بالإهتمام و التقرب للكامير ا.

المكوجي طلعت مادزة؟

يل / خارجي

الحارة

الولد الذي رأيناه بالعجلة في أول الفيلم يمر على بعض الناس.

الولد أسماء بنت عم حسني مع محسن السيسي..

ينظرون لبعض.

أحدهم ليه ياه؟

ليل / داخلي

.

بيت رجب.

رجب يصدم مما في التلفاز، تشاهد زوجته هي الأخرى.



لیل / داخلی بيت ريفي

في بيت ريفي نجد صابرين الكبيرة في السن الآن (المرآة التي رأتها في محطة الأتوبيس) تشاهد التلفاز .. كإنها

في الخلفية صورة العم عليها شريطة سوداء، بجانب صورة مسعد و عليها نفس الشريطة.

ليل / داخلي م المنور

زوجة رجب تخرج من الشباك.

الزوجة يا أم فاروق. يا أم فاروق

تفتح أم فاروق شباكها.

الزوجة البت أسماء في التلفزيون.. عندها إزد.

المستشفى 7

المرضى في عصبية

برضه ركبت دماغها..

شبح إبتسامة فخر على فم هادي..

لیل / داخلی التلفاز

أسماء تكلم التلفاز.. في مشهد درامي جدا.. نقطع به دانما مع ردود الفعل..

أنا إسمى أسماء حسني. عايشة في إمبابة و بشتغل في المطار.. كنت بشتغل في المطار.

(نقطع مع كل الناس و ردود أفعالهم).. محسن السيسي متأثر بكلام أسماء..



شفيق ينظر لظهور ها بصدمة كبيرة، متوتر لا يدري لماذا فعلت ذلك.

اسماء

أنا حاملة فيرس الإيدز.. و عندي المرارة.. و محتاجة عملية.. بتوجع كثير و بتجيلي نوبات بتخليني أجز على سناني لحد ما بقى هكسر هم.. مابقتش بقدر آكل.. و في أيام كثير بتعدي عليا من غير ما أنام.. بس كل ده أنا عناني لحد ما بقى هكسر هم.. عايشة بيه.. و لو مت مش هموت عشانه..

لحظة صمت طويلة، متأثر فيها محسن

أسماء أنا لو مت. مش هموت بالمرض اللي عندي..

الكل بشاهد..

أسماء لو مت. هموت بالمرض اللي عندكم إنتم..

تصمت. الكل يشاهد في صمت..

أسماء يس.

محسن السيسي متاثر ...

محسن شکرا یا أسماء...

الكل يشاهد تلفاره في تأثر

محسن

معايا في الكنترول بيقولولي إن معانا متبرع. بيتبرع بثلثميت ألف جنيه مرة. واحدة. و مرضاش يقول هو مين. مستعد يسفر أسماء بره تعمل العملية.

لیل / داخلی

7

الكنترول

المذرج حالس مصدوم

المخرج مين المتبرع ده؟ حد قاله حاجة ده؟

أيتن تبتسم..



أيثن

لیل / داخلی

7

بیت محسن

نبيلة تنظر للتليفزيون، و تعلم أن زوجها صرف أموالهم. تظل صامتة لبرهة ثم ترجع لتكمل الأكل مع الأصدقاء.

ليل / داخلي

التلفاز

محسن السيسي يكلم الكامير ا

مافيش حاجة أحسن من كده نقفل بيها البرنامج. و أتمني رد فعل من وزارة الصحة. و المهم. من الناس.. و نشو فكم بكره في مصر و هي قاعدة تولع من ثاني على صفيح ساخن، بس يارب مايكنش الصفيح نفسه خلاص إتحرق. تصبحوا على خير..

ينتهي البرنامج....

AMM TO SERVICE ينظر محمن السيسي السماء.. يمد يده.. بقوة و بدون تردد.. تمد أسماء يدها (التي الأول مرة بدون قفازات).. و يسلمان على بعض..

أسماء أنا أسعد..

يقف و ينظر للجميع..

بكره عندنا أحمد مكى.. مش عايز حد يتأخر..

تمشي أسماء فتجد أيتن واقفة و معها طفلة صغيرة.

أسماء.. ديه بنتى.. كانت عايزة تسلم عليكي عشان شافتك في المونيتور..

تأخذها أسماء و تقبلها و تبتسم لها البنت.



#### عايزة حديوصلك؟

لا تدري كيف ترد..

أحدهم يغير أماكن الكراسي و يرى القفازات التي كانت تلبسها أسماء..

الشخص الجوانتيات ديه بتاعت مين؟

أسماء تنظر لكرسى شفيق الذي أصبح خالى.

ليل / خارجي

أمام الأستوديو

تخرج أسماء.. تجد أن شفيق لا ينتظر ها.. تنظر على يديها، تزيل البلاستر من مكانه... فتكمل مشيها.. و يظهر شبح الإبتسامة على وجهها..

## قطع زمني

نهار / خارجي

طريق أمام أرض مسعد

على كارته عليها أشياء أسماء و والدها، و يجلس عليها العربجي و خلفه أسماء الحاملة لطفلتها الرضيعة و والدها، و مع شروق الشمس و الندى، تمر أسماء أمام أرض مسعد، المكان الذي كان يحكى لها فيه عن حلمه.

> أسماء أقف يا أسطى.

> > يقف الرجل. ينظر لها والدها.

تتجه أسماء لتأخذ ثمرة مثل التي كانوا يأكلونها. عدة ثمرات، و تذهب للكارتة فتمشى من جديد.

و تبدأ أسماء بأكل الثمرة في صمت.

## قطع زمني

نهار / داخلي

7





كمثل المشهد الذي في أول الفيلم، نرى الجمعية و مجموعة الدعم و لكن بشكل ضبابي مبهم.

الكل يجلس يسمعها..

هادي نفسك في ايه يا أسماء؟ إمتى هتحسي إنك مبسوطة..

صمت.

أسماء يمكن لما الخوف يروح..

أتوبيس

ليل / خارجي

م

أسماء في الأتوبيس واقفة بين الناس..

نهار / داخلي

محموعة الدعم

أسماء الخوف من إن الدوا يخلص..

ليل / خارجي

شارع أسماء

تدخل أسماء في الحارة.. تمشي بها.. صبي المكوجي يلحظها على عجلته.. أسماء تمشي بخطى واثقة..

نهار / داخلي

م

أسماء الخوف من النوبة الجاية..

مجموعة الدعم

ليل / خارجي

-

شارع أسماء

تمشي أسماء في الحارة.. المكوجي يخرج من محله.. و ينظر لها.. الكل يخرج من القهوة ينظر لها.. السيدات تفتح شبابيكهم و ينظرون لها..

م نهار / داخلي

#### مجموعة الدعم

#### أسماء الخوف من إن الناس تعرف سري.. و هيعملوا فيا إيه لو عرفوا؟

م حارة أسماء

تمشي أسماء وسط الحارة التي تنظر لها. بقوة. بدون خوف. تقف. تجد والدها ينزل من البناية و ينظر لها.

م مجموعة الدعم

تنظر لهم أسماء بشبح إبتسامة.

أسماء يمكن بس ساعتها بس أحس إن أنا عايشة..

م المارة

أسماء تنظر لهم.. بدون خوف.. بإبتسامة واثقة.. إبتسامة إنسانة.. عايشة.. و أخيرا تنظر للكاميرا.. لنا نحن.

#### النهاية

#### يكتب على شاشة سوداء

(إهداء لروح الشخصية الحقيقية التي أستوحى من حكايتها هذا الفيلم. رحمها الله)

(الشخصية الحقيقة لم تظهر على التلفاز بوجهها)

(لم يظهر حتى الآن أي مريض أيدز مصري بوجهه على التلفاز)

(الشخصية الحقيقية لم تقم بعمل عملية المرارة و ماتت أثر ذلك)

